

Iyashi Lya Bumi Bwandi



Natukontamike imitwe yesu pa kashita mwi pepo.

Shifwe Uwankumbu uwa ku Mulu, ili lishuko nganshi ilyo twakwata ilya kupalamina kuli Imwe, mwe Lesa wesu kabili Kapususha. Ukumfwa ulu lwimbo ulwawama, *Ifyo Mwaba Abakulu*, cilatusansamusha pantu twalishiba ukuti Imwe muli bakulu. Kabili tulepepa ukutila ubukalamba Bwenu bwalamonekela kuli ifwe cipya cipya, muno cungulo, lintu tulelanda. Kabili cawila kuli ine, pa nshita iya kubalilapo pa myaka iingi, ukwasha ukubwekelamo mu fya mu bumi ifyapita, kabili ndepepa ukuti Mwalamwela amaka kabili-kabili nefyo ndekabila, Shikulu, ukuba muli ino nsa. Kabili shilekeni ifilubo fyandi fyonse mu bumi fibe ilibwe ilya kuninapo kuli bambi, ifyo ifinga baleta mupepi kuli Imwe. Cipeleni, Shikulu. Shi ababembu bamone ifishilwa fya nkasa pa misensenga ya nshita, kabili shibenga tungululwa kuli Imwe. Ifi fintu twalombela mwi Shina lyakwa Shikulu Yesu. Amen. (Kuti mwaikala.)

[Munyina Glover asosa, “Bushe kuti wapepelako utu tutambala ilyo taulatampa?”-Ka.] Kuti natemwa. [“Kuli *tulya* kabili *notu* utwakupepela.”] Cisuma, mukwai, natotela. Nge fyo uyu mwaume uwashila, Munyina Glover, uo naishiba nomba pa myaka imo, nalikwata ishuko ilya kuba nankwe pa kashita kanono mailo mu cungulo bushiku. Kabili nanjeba ukutila bali mufumishepo...pa kashita kamo, ukutusha. Kabili nomba, pa myaka ya kufyalwa amakumi cine lubali na isano, alebwela ku mulimo wakwa Shikulu. Nshinakile ukufika pakati nge fyo naciba lintu nshilaumfwa cilya. Nacitontonkanya ukuti ninaka, lelo ine-nshilecetekela ukuti eflyo ndi. Acibika kuno kuli ine ututambala tumo, mu-mu musango wa ma envelops, kabili na fimbipo, utu utuli mukati kabili natubikwa kale.

Nomba, uuli onse muli imwe mu mpanga ya filimba, nangu kuno, uyo uulekabila kamo pali utu tutambala, kabili kuti mwacita, . . .Ba Angelus Temple balatutuma libili libili, inshita fye yonse. Kuti mwalembela kuno ku Angelus Temple kabili bali no kutupepelela, pantu ndemweba ukuti Malembo. Bulayo bwakwa Lesa.

Kabili nga cakuti mwafwaya ine ukupepelela kamo akenu, cilifye, ndi no kuba uwa nsansa ukucita cilya. Imwe kuti mwanembela fye ku mbokoshi iya ku post office 3-2-5, 325, Jeffersonville, ilumbulwa J-e-f-f-e-r-s-o-n-v-i, imiku ibili ba

l.e. Jeffersonville, Indiana. Nangu nga cakuti teti mutontonkanye pa mbokoshi ya ku post, mukalembe fye “Jeffersonville.” Kamusumba akanono, impendwa ya bantu nalimo amakana amakumi yatatu na basano. Onse alinjishiba kulya. Kabili eico kuti twaba abansansa ku kupepelela pa katambala kabili no kumutumina imwe.

Kabili, nomba, twalikwata ukulunduluka ukukalamba mu kucita ici, pantu. . . Muli no kukwata aka kalata akalembwapo akanono kuli kena, ukuti abantu ukushinguluka icalo balapepa cila nshita ya lucelo pa naini koloko, kabili pa twelve koloko kabili na pa fili koloko. Kabili kuti mwaelenganya, ukushinguluka ku numa ya calo, ni nshita nshi iya bushiku iyo balingile ukubuka ku kukwata aya mapepo. Eico nga cakuti aba bonse imyanda mishila, ukulundapo amakana, baletuma amapepo yabo kuli Lesa pa nshita ilya ine kuli ubu bukapyunga, amalwele yenu, Lesa te kuti acikane cilya. Kabili eico nomba ifwe, nge fyo nsosa, tatwakwata imitantikile ya mibombe, lelo tatulefwaya ikobili limo ilya ndalama. Tuli fye. . . Nga kuti twamwafwa, ici eco tubelele pano. Kabili ka tu. . .

Umo aleleta akafulukutu na kambi aka tutambala.

Nomba, nga taukwete akatambala eko walefwaya ukutuma, cisuma, kanshi kuti mwalemba fye, nelyo line. Nga tamulekafwaya nomba line, mukasunge mwi buku lya Milimo ya Batumwa, muli Baibele, mu cipandwa ca 19. Kabili kakaba ka musango wa kamushipi akabuta akanono ako akali no kutumwa kuli imwe, kabili ifya kumilondolwela ifyo mulingile mwayebelele imembu shenu intanshi. Kabili (natotela) ifya kuyebelele imembu shenu. Tamulingile ukwasha ukupoka icili conse ukufuma kuli Lesa ukwabula intanshi ukuilungamika kuli Lesa. Mwamona? Kabili kulaba ukumilondolwela muli ici ukwita abena mupalamano ukwisa, kabili na kacema wenu. Nga ca kuti namukwata icili conse cili mu mutima wenu ku uuli onse, kabiyeni kacilungamikeni intanshi, kabili mubwele. Kabili nomba pepeni, kwatani ukulongana ukwa mapepo mu ng’anda yenu, kabili tungilileni aka katambala ku cakufwala cenu mwi samba, elyo cetekeleni Lesa. Kabili pali shilya shine nsa shitatu, cila bushiku, kuli no kuba abantu ukushinguluka icalo balepepa, umulongo ukushinguluka icalo.

Kabili nomba kenu, aka bupe fye icine cine, tumeni fye. Kabili-kabili nomba, tatwakamulebele ukumubwesha ku kumulipilisha nangu ku kumweba amapange twakwata. Tulefwaya imwe ukwafwilisha imitantikile ya mibombe, lelo tatwa-tatwakwata iili yonse ukuti imwe mwafwilishe. Mwamona? Eico imwe. . . Te kusenda keyala yenu, ici cili fye umwakusungilwa kabili no kupyunga kwakwa Shikulu tulesha ukucita.

Nomba natukontamike imitwe yesu. Kabili nga ca kuti muli mu mpanga sha filimba, anshikeni akatambala kenu apo pene, bikeni fye ukuboko kwenu pali kena ilyo tulepepa.

Shikulu Uwankumbu, tuleleta kuli Imwe utu tufunda utunono, limbi tumo pali twena tulemoneka ukuba limbi utu ma vest utunono utwa kanya, atemwa-atemwa akalilaya akanono aka mukati, atemwa limbi utusapato utunono tubili, atemwa-atemwa icintu cimbi, akatambala, akaleya kubalwala kabili kuba cushiwa. Shikulu cili ukulingana ne Cebo Cenu uko twacitila ici. Pantu tulabelenga, mwi Buku lya milimo ya Batumwa, ukuti balifumishe ku mubili wa mubomfi Wenu, Paulo, ututambala kabili ne nsalu, pantu balicetekelo kuti Umupashi Wenu wali pali ulya mwaume. Kabili ne mipashi iyakowela yalifumine mu bantu, kabili ukucushiwa kabili na malwele yalifumine kuli bena, pantu balicetekele. Kabili nomba natwishiba, Shikulu, ukuti tatuli Paulo Uwashila, lelo natwishiba ukuti Imwe mucili Yesu. Kabili tulepepa ukuti Mwalacindika icitetekelo ca aba bantu.

Kabili calilandilwepo limo ukuti lintu Israel (ukweshwa ukumfwila Lesa) baliketwe mu citeyo, bamba ku ntanshi yabo, impili imbali shonse shibili, kabili abashilika bakwa Pharao balebapalamina. Kabili umo atile, ukuti “Lesa aloleshe panshi ukupitila mulya mu Ntumba ya Mulilo, na menso ya bukali, kabili bamba alyumfwile umwenso kabili akunkulwike umwine, kabili no kupanga inshila yakwa Israel ukwabukila ku mpanga ya bulayo.”

Mwe Shikulu, lolekesheni panshi na kabili, lintu ifi fifunda fya bikwa pa mibili iilelwala mu kwibukisha Icebo Cenu ica mweo. Kabili shi amalwele yomfwe umwenso, lolekesheni ukupitila mu Mulopa wa Mwana Wenu, Yesu, Uwafwilile pali ici cakukonsolwela. Kabili shi umulwani omfwe umwenso kabili no kutalukako, pakuti aba bantu bengasengelela mu kati ka bulayo, ukuti “Pa mulu wa fintu fyonse,” ukuti ukukabila Kwenu kwakutila “tulunduluke mu bumi.” Peleni ici, Tata, pantu tulelitumina nailya-nailya mibele mu mitima yesu. Kabili aya e mapange yesu. Tulelitumina mwi Shina lyakwa Yesu Kristu. Amen.

Natotela, Munyina Glover. Natotela, mukwai.

Nomba, muno bushiku ukuba iciputulwa ca kulekelesha ica kupuputulwa, nshishibe nga ca kuti calabilishiwa pa mulabasa atemwa iyoo, lelo ndefwaya ukulanda (nga te ifyo) kwi bumba lya pa filimba, ukuti ukuti uku kwali ukulongana ukusuma uko nalekwata pa iingi, iingi imyaka. Kwali ukwa maka, ukwapwililika, ukwawamisha, ukulongana ukwa kwikatana uko nabamo pa nshita iitali.

[Munyina atila, “Tuli pa mwela mpaka kota past 4, munyina. Kabili balekutika kuli iwe, konse kulya ku southern

California, kulya mu fishi, kabili na pa fimabwato. Tupokelele mbila ukufuma kuli bena. Kabili naukwata ibumba ilikulu, imyanda kabili imyanda mishila.”-Ka.] Natotela, mukwai. Ico cisuma sana. Ndi uwansansa ukumfwa ico. Lesa amupale bonse.

Kabili ine mu cine lyonse nalikwata incende iyakaba mu mutima wandi palwa Angelus Temple, pa kwiminina kwa iko pa Mbila Nsuma yonse iyakwa Yesu Kristu. Kabili, nomba, cile-cilemoneka ukuba sana pa lwandi nomba. Cilemoneka kwati, pa numa ya kukumanya uuli onse kabili no kumona umupashi wabo uusuma, ndemona kwati ndi fye sana umu uwa muli imwe ukucila ifyo naleba. Lesa amupale, epepo lyandi. Kabili . . . [Ibumba lyatota -Ka.] Cawama, natotela.

Nomba, calipelwe ukuti ilelo nali no kulanda na imwe pa kashita pali: *Ilyashi Lya Bumi Bwandi*. Ico cili- icintu icakosa sana kuli ine. Uyu e walaba umuku wa kubalilapo uyo njeseshe ukuipalamako pa myaka iingi. Kabili teti nkwater inshita ukupituluka muli fyonse, lelo fye ulubali lwa iko. Kabili, muli ili, nalipanga ifilubo ifingi sana, nalicita ifintu ifingi ifyo ifyalubana. Kabili ndekabila, ukuti imwe mwe bali mu mpanga sha filimba kabili na imwe mwe bali muno, ukuti tamwabule ifilubo fyandi ukuba amabwe ayacipunwiso, lelo amabwe ayakuninapo ayakuleta imwe mupepi kuli Shikulu Yesu.

Elyo, mu nshita ya bushiku, amakadi ya mapepo yalapelwa ku kulongana kwa kuposha lelo mu nshita ya bushiku. Nomba, ilyo tulelanda pa kulongana *kwa kuposha*, tacilepilibula ukuti twalaposha umo, twala “pepela umo.” Lesa euposha. Aba fye uwa nkumbu kuli ine, ku kwasuka ipepo.

Kabili nalelanda kuli ba manager bakwa kashimikila uwalumbuka sana, kuno inshita imo iyapitapo, kabili-kabili balipwishe cinshi uyu kashimikila tapepela abalwele. Kabili kashimikila atile ukwasuka kuli-kuli ba manager ba kulongana kwandi, atile, “Nga . . . Uyu kashimikila acetekela mu kuposha kwa Bulesa. Lelo nga ca kuti engatendeka ukupepelela abalwele, kuti cacilinganya ukulongana kwakwe pantu balamulipila ku ma calici. Amacalici ayengi, kabili abengi muli bena, tabacetekela mu kuposha kwa Bulesa.”

Eico ninkwata ukucindika kabili no mucinshi kuli kashimikila pantu alesunga incende yakwe, icifulo ca mulimo wakwe. Ena limbi kuti . . . Nshakatale ukusenda icifulo ca mulimo wakwe, kabili ndetwishika nga ca kuti kuti asenda icifulo candi. Bonse ndelikwata icifulo mu Bufumu bwakwa Lesa. Bonse twakumbinkana pamo. Ifya bupe ifya pusana, lelo Umupashi umo wine. Ukumoneka ukwapusana pusana, ndeloshya mukuti, lelo Umupashi umo wine.

Kabili, nomba, mu nshita ya bushiku ukulongana kwalatendeka... Ndetontankanya baxisosa ukutila ukwimba kuletendeka pa hafu pashiti 6. Kabili, nomba, nga muli kunse ka mpanga sha filimba, iseni mu kumfwa kuli ici. Cili... Calabe cisuma, efyo lyonse ciba.

Kabili nomba ndefwaya ukusosa ukuti amakadi ya mapepo yalapelwa pa numa fye ya uku kulongana nga kwapwa, ilyo line fye ilyo uku kulongana kwa-kwapwa, nga muli muno kabili mulefwaya kadi ya mapepo. Bacinjeba mulya pa nshita iyapitapo iinono, umwana wandi umwaume atemwa baMercier atemwa baGoad, bakulapela amakadi ya mapepo. Mwikale fye mu fipuna fyenu. Pa numa fye ukulongana nga kwapwa, mushale fye pa fipuna fyenu pa kutila abalumendo benga pita mu kati ka mulongo kabili no kusenda amakadi ya mapepo no kupela bwangu bwangu nge fyo cingacitwa. Ici calabela mu fipinda fya ku ntanshi atemwa pe samba, atemwa ponse, apabelele umuputule wa pe samba atemwa konse kuntu mubelele, mube fye mu fipuna fyenu kabili na balumendo balaishiba ukuti muli muno pa mulandu wa kadi ye pepo. Kabili lelo mu nshita ya bushiku twalapepela abalwele. Kabili Shikulu nga tapilibwile amatontankanyo yandi, ndefwaya nshimikile isambililo ilelo mu nshita ya bushiku, *Nga Mwatulanga Tata, Calatwikusha.*

Nomba ndefwaya ukubelenga ilembo muno cungulo, ukutendeka fye *Ilyashi Lya Bumi*, lilesangwa mwi Buku Iya Baheberi icipandwa ca 13, kabili katutampile apa nalimo pano... Kuti nasosa nalimo mu versi ya 12.

Efyo na Yesu aculile, kunse ya mpongolo ukuti ashishe, abantu mu mulopa wakwe wine.

Natuleya... eico kuli wene kunse ya nkambi, ukushingamwa ukusebana kwakwe.

Pantu pano tatukwete umusumba wakwikalilila, lelo tufwaya umo uuleisa.

Nomba uyu e musango we lembo. Pantu, mwamona, nga ca kuti ilyashi lya bumi, atemwa icili conse icilekuma ku muntunse, tatucindika cilya, kabili maka maka i-ifya muntu ifya kale, nga ca kuti fyali ifya mfimfi nge fyandi. Lelo naitontankanya, nga twabelenga Ilembo, Lesa kuti apala Ilembo. Kabili ne tontontankanyo lyandi nili:

Ukuti pano tatukwete umusumba wakwikalilila, lelo tulefwaya umo uuleisa.

Nomba, nalishiba mwalitemwa sana Los Angeles. Mwalikwate nsambu iya kuba. Musumba uukalamba, uwaemba. Ne fyushi fya uko kabili na fimbi po, lelo musumba uwaemba, no mwela uusuma. Lelo uyu musumba teti utwalilile, ulingile ukukwata impela.

Naliiminine mu Rome (uko imfumu shikalamba) kabili ne misumba iyo batontonkenye ukuti kuti bakula iyakubelelela, no kwimba panshi ama feet yabili pa kusanga ifibolya fya iko.

Naliiminine uko ba Pharao bali nabakwata amabufumu yabo ayakalamba, kabili kuti mwaimba panshi ukusanga uko ba Pharao bakalamba batekele.

Ifwe bonse tulafwaya ukutontenkanya pa musumba wesu kabili ne ncende yesu. Lelo, ibukisheni, tekuti wiminine.

Ilyo nali umulumendo umunono nalibeleshe ukuya ku cimuti icikalamba ica maple. Mu calo candi twalikwata imiti iingi iyakosa. Kabili nomba twalikwete uyu muti wa maple, maple wa sugar, kabili ico twita “maple uwakosa,” kabili “maple uwanaka.” Ici cimuti cikalamba ica kulisha, cali cimuti icaemba nganshi. Kabili nga nabwela ukufuma ku mabala, ukufuma mu kubomba mu cani ca ng’ombe kabili-kabili no kusombola, naletemwa ukuya kuliici cimuti icikulu kabili-kabili ukwikala mwisamba lya ciko kabili-kabili no kulolesha mu mulu. Kabili kuti namone fimisambo fya ciko ifikalamba, ifyakosa filetenkana mu mwela, ne cilishinte icikalamba. Kabili natile, “Namwishiba, ndecetekela ukuti ici cimuti cili no kuba pano pa myaka imyanda ne myanda.” Tapapitile inshita itali naile mu kumona icimuti ica kale, cishiki fye.

“Pantu tatwakwata pano umusumba uutwalilila.” Awe, tapali pano pe sonde ico mwingalolekeshapo icikatwalilila. Cilingile ukukwata impela. Conse ico cifwa cifwile ukupela inshila ku cishifwa. Eico te mulandu twingapanga imisebo yesu iikalamba iisuma, ifyo twingapanga bwino ifikulwa fyesu, fyonse filingile ukuya, pantu pano tapali icinga twalilila. Kano fye ifyo Fishimoneka efitwalilila.

Ndeibukisha ing’anda twaleikalamo, yali ni ng’anda iya fimuti iya kale iyamaswa ne loba. Ine... Limbi kuti abengi tabamonapo ing’anda iyamaswa ne loba. Lelo yonse yali iyamaswa ne loba, kabili ne milando iikalamba iyali mu ng’anda iya kale, natontonkenye ukutila ilya ng’anda ikekala imyaka imyanda. Lelo, namwishiba, ilelo palya apo ing’anda yali pali umulimo wakukulila amayanda. Pali ubupusano nganshi. Fyonse filepilibuka. Lelo. . .

Kabili nalemona batata, bali ntile abepi, umwaume uwalundumana, uwa maka sana, kabili bali abaume bamo aba maka sana abanono abo naishibe. Nalikumanye Ba Coots, abanabo abalebomba pamo ku mbao, bali bakalepula wa mbao, kabili panuma ya mwaka uwafumako, kabili Ba Coots banandi abasuma nganshi, kabili ni ba dikoni mu First Baptist church, kabili batile, “Billy, ulingile ukuba umuntu uwa maka sana.”

Kabili natile, “Awe, nshaba, Ba Coots.”

Batile, “Nga wakonka kuli ba wiso, kuti waba.” Batile, “Nalimwene ulya mwaume, alefina amapaundi umwanda umo na makumi yane, baleninika icimulando mu cikocikala beka, icalefina amapaundi imyanda pabula.” Balishibe fye ifya kucita. Bali abamaka. Kutu nabamona baisesa mu ncende mu kusamba kabili no kuitayanya ku cakulya ca cungulo, ilyo Bamayo babeta.

Kabili twalikwete icimuti ica kale ica apple ku ntanshi ya lubansa, kabili elyo kwali tutatu atemwa tune utunono utwabelele ku lukungu. Kabili palya pene pa cimuti ca pa kati kwali icilola ica kuloleshapo, calitobeke, icilola, icikalamba. Kabili calipampaminwe ku mbali ya cimuti ne misumali iya ongamikwamo. Capala kwati ico imwe bambi bakalipenta mwe balekutikako kuti mwaita “ifya kukobekelako ikoti.” Caliongamikwako ku kwikatilila icilola mu ncende ya ciko. Kabili kwali icisakulo ica kale icelata. Ni banga abatala abamonapo ilata ilya kale. . . cisakulo icelata icamipangile iya kale? Ndecimona fye.

Kabili elyo kwali na kapuna akakusambilapo akanono, akalipulanga fye akanono na kakulu akaongama kwi samba lya kako, akapampamikwa ku cimuti. Akanono, aka kale, citika wa pompi ya sulphur palya iyo twalepompelako amenshi kunse, kabili twalesambila pali ici cimuti ca kale. Kabili Bamayo balesenda amasaka ya bunga kabili no kupanga ifya kusambilako. Pali umo uwabomfyapo ica kusambilako icesaka lya bunga? Cisuma, mucine ndeumfwa ndi pa mwesu nomba. Kabili filya ifyakusambilako, ifikulu ifyakalabana ifya kale! Kabili lintu aletusambika fwe bana banono, kuti a . . . kwati alekusa inkanda ukuifumya lyonse ilyo alekusa. Kabili ndeibukisha ilyo isaka lya bunga ilya kale. Kabili alesopolola tumo ututambo kabili no kupanga utumikwenene utunono, ukwasha ukuliwaminisha.

Nibanga batala abalalapo pa busanshi bwa mipeti? Cisuma, nala-nalasosa! Nibanga abeshibe ifyo icakusailapo ca fikapa cali? Cisuma, Muniyina Glover, ndeumfwa ndi pa mwesu nomba, icine nganshi! Busanshi bwa mipeti, cisuma, tapapita inshita sana ilyo nafumine fye pali umo, kabili efyo cali. . . Owe, ci-cisuma ukusendamapo, apatalala. Elyo mu nshita ya mpepo balasenda ubusanshi bwa ngala ubwa kale kabili no kulalapo, namwishiba kabili nomba, balebika iciputulwa ce tenti ukutufimba pa mulandu wa menshi makasa yaleiingila mu-mu-mu-mumilale ya ng’anda, namwishiba, palya apo utumatabwa utwakupalikila twalepilibuka, namwishiba, kabili na menshi makasa yalepitamo. Kabili, owe, kuti naibukisha ico bwino sana.

Kabili Batata balikwete bulasho iyakubeyelako. Ine. . . Nomba ici calamwikata. Capangilwe ukufuma kufikapa fya mataba, bulasho yakubeyelako ne fikapa fya mataba.

Balesenda lilya isopo ilya kale ilyaleitwa lye lya bamayo ilyo balepanga, ba cibika bwino kabili ba cibika na pa menso yabo noyu bulasho wa fikapa fya mataba, kabili no kubeya ne cikalamba, icilesa icaololoka ica kale. Kabili pa Mulungu kuti babula ici-iciputulwa ca cipepala, no kukambatika ku nteneshi yabo, balefwala inteneshi ishakosa kabili no kucibika ukushinguluka inteneshi nge fi ukucingilila i-i-ipofu ukufika pa nteneshi ye laya lyabo. Bushe mwalitala amumonapo ici cacitwa? Cinshi, iyee, iyee!

Ndeibukisha akafukauka akanono aka kale kwi samba kulya, uko twaleya ukuya senda amenshi aya kunwa, kabili ukutapa amenshi yesu ukupitila mu lukombo ulwakutapwilako ulwa kale. Nibanga batala abamonapo ulukombo lwakutapwilako? Cisuma, nibanga aba muli imwe abafuma ku Kentucky, cilifye? Yeah, cisuma, lolekesheni fye kuno kubena Kentucky. Cisuma, iyee, ndi-ndi fye pa... Nacitontokanya cali fye bonse niba Okies kabili ba Arkies kuli ino ncende, lelo cilemoneka kwati Kentucky ileselelamo. Cisuma, balisangile amafuta mu Kentucky imyeshi yapitapo kunuma, namwishiba, eico limbi aba bamo baleisa muli iyi nshila.

Kabili ndeibukisha ilyo Batata baleisa kabili no kusamba pa cakulya ca cungulo, balepeta amaboko ye laya lyabo, kabili yalya maboko ayepi ayalundumana. Kabili ilyo ba fungulula amaboko yabo ku kusamba, no kuposela amenshi pa menso yabo, elyo na bakapafu baletutumuka mu maboko yabo ayepi. Kabili natile, "Namwishiba, batata bali no kwikala ukufika ne myaka ya kufyalwa umwanda umo na makumi yasano." Bali abamaka sana! Lelo bafwile pa myaka amakumi yasano na ibili. Mwamona? "Pano twaba tatwakwata umusumba utwalilila." Ico cishinka. Teti tutwalilile.

Nomba natusende akabulendo akanono, bonse fye ifwe. Kuli cila umo umo mwe bali muno nakwata ilyashi lya bumi, nge fyo cili kuli ine, kabili cisuma ukwibukisha pafya citike kale pa nshita imo. Bushe muletontokanya ifyo? Ukuya fye kunuma, kabili katubwelele bonse kunuma pa kashita, kunuma kufyo twalecita ifyapalana nga bana banono.

Kabili nomba iciputulwa cantanshi ice lyashi lya bumi. Nalaikatako fye panono, pantu caba mwi buku kabili mwe bengi mwalikwata ibuku.

Nafyelwe mu kayanda akanono mu mpili, mukati kampili sha Kentucky. Twakwete icipinda cimo umo twaleikala, tapali icisalu panshi, nangu fye mapulanga panshi, cali fye panshi apabula kantu. Kabili ne cishiki, iciputulwa capamulu cacishiki icaputulwa na molu yatatu kuli cena, iyi eyali itebulo lyesu. Kabili bonse balya ba Branham abanono bareshinguluka capamo palya, kabili kulya kuntanshi ya kayanda akanono

akakale, akamaswa kunse, calemoneka kwati ni kulya uko ibumba lya tu opossum twale ifundawila mulya mulukungu, na mwishiba, bonse ba munyina abanono. Bonse pamo twali pabula, kabili no mukashana umo umunono, kabili cine cine alikwete inshita iyakalabana pe bumba lilya ilya balumendo. Tulingile ukumupela umucinshi nomba ilelo kuli filye fintu twacitile muli shilye nshiku. Tekuti ende naifwe ukuli konse, kuti twamutamfya, ali umukashana. Eico tekuti acisende, na mwishiba. Eico twakwete. . . Kabili bonse. . .

Ibukisheni ukuti kulya kunuma ye tebulo twakwete fye ifipuna fibili, kabili fyapangilwe ukufuma ku cikwa camuti. Utumiti utunono utwa hickory uwakale ukubikwa pamo, kabili pesamba yatuko ukukakwa ne cikwa ca hickory. Bushe kuli umo uwatala amonapo icipuna ca cikwa ica hickory? Yeah. Kabili kuti naumfwa Bamayo na nomba. Owe, panuma lintu twaile mu ncende uko bengakwata ing'anda ya pangwa na mapulanga panshi, natulya utunya pa molu yakwe nge *fi*, kabili ukusunka cilye cipuna cakale pa, pa, ukucipaminkisha panshi. Kabili ndeibukisha ukusunga abaice ukuti belafuma pa mwinshi, ilyo balecapa nangu ukucita fimbi, kuti babika icipuna panshi kabili nokucipilibwila mu musango wakucilinganya palya pa mwinshi, ukucingilila abaice ukukana fuma panse ilyo baleya ukuya ku kafukauka mukusenda amenshi, kabili na fimbipo.

Kabili Bamayo bali nemyaka ikumi limo na isano lintu nafyelwe, Batata bali ne myaka ikumi limo na cine konse konse. Kabili nali ibeli pa bana aba pabula. Kabili balinjebele ukuti ulucelo lintu nafyelwe. . .

Nomba, twali abapina sana, kabili abapina waba pina. Kabili tatwakwete nangu liwindo muli aka kayanda akanono. Kakwete kwati akacibi kambao akanono eko mwingesula. Ndetwishika nga cakuti mwalitala amumonapo cimo icamusango ulya. Akacibi akambao akanono akaleisuka mucifulo ce window, mulekesula mu nshita ya kasuba kabili mulekesala mu bushiku. Tekuti twashe ulubuuto lwa malaiti nangu ukwashisha na paraffin muli shilye nshiku, twakwete ico mwiita “koloboi.” Nomba, nshishibe nga cakuti mwalishibe ifyo inyali ya koloboi yali. Cisuma, ninshi mu. . . Kabili bushe mwalitala amushita. . . ukwasha akantambo ka cimuti ca pine? Pantu buleni fye akatambo ka cimuti ca pine kasheni kabili kabikeni pa ka kupiko, kali no kwaka. Kabili eico. . . calefuke icushi panono, lelo tabakwete ifipe, nalyo line, ifya kukoweshiwa ne cushi. Eico califye. . . akayanda kalekwata icushi. Kalefumya icingi pantu kwali umutenge uukulu kulya kuli cena ukufuminamo. Eico cale. . .

Kabili nafyelwe mu April pa-pa 6th, 1909. Pantu, namwishiba, ico canenga ukuba ukucila pa myaka amakumi yabili na isano nomba. Kabili eico, ulucelo nafyelwe, Bamayo

batile ati baliswile iwindow. Nomba, tatwakwete ba shing'anga, kwali fye na cimbusa. Epela...Kabili ulya nacimbusa ali ni mama. Kabili eico lintu nafyelwe kabili umuku uwakubalilapo uwo nalilile, kabili-kabili Mayo afwaile ukumona umwana wakwe. Kabili-kabili nabo bene balifye ngo mwana na bena. Kabili lintu baiswile akali window akanono, panuma fye ya kutula kwa kasuba, kuma faifi koloko. Kabili ci...Kwali akoni ka robin aka kale kaikele pa mbali ya kampusa akanono. Nge fyo imwe bonse mwamona icikope caici mwi buku lye lyashi lya bumi bwandi. Akoni ka robin aka kale kaikele palya kaleimba fye shonse ishali muli kena.

Lyonse nalitemwa utuma robin. Nomba, mwe balumendo mu mpanga sha filimba, mwilalasa ifyuni fyandi. Mwamona, fyaba-fyaba-fyaba...Filya fyuni fyandi. Bushe mwalitala amumfwapo akashimi ka kwa robin, ifyo apokele icifuba cakwe icakashika? Nalaiminina pano pa kashita. Ifyo apokele icifuba cakwe icakashika...Kwali Imfumu ya shamfumu yalefwa ubushiku bumo pa Lupanda, kabili Ena alecula kabili takwali nangu umo uwakwisa kuli Ena. Ena takwete nangu umo uwa ku Mwafwa. Kabili kwali akoni akanono akasweshi kalefwaya ukufumya ilya misomali ukufuma pa Lupanda, kabili atwalilile ukulapupukila pa Lupanda no kulapukunya ilye misomali. Ali uwacepesha ukuinukwila kunse, kabili alengele umulopa ukuba ku kafuba kakwe konse akanono. Kabili ukufuma palya pene icifuba cakwe caba icakashika. Mwila mulasa, balumendo. Mulekeni eka.

Ali ikele pa mbali ye window, u-ukulila nge fyo tu robin twimba. Kabili-kabili Batata balisunkile iwindow. Kabili lintu basunkile akacibi ake window akanono kunuma, lulya Lubuuto ulo mumona pa cikope lwaishile luleshinguluka pe window, bamayo eflyo basosa, kabili no kwisa iminina pa busanshi. Bamama tabaishibe ifyakuti balande.

Nomba, tuli ba...tatwali ulupwa ulwa bukapepa. Abantu bandi ni ba Katolika. Ine ndi mu Irish kumbali shonse. Batata ba Irish abene bene, Branham. Bamayo ba Harvey; kano fye, ba shibo baupile umu Cherokee Indian, eico cilya caonawile akashilwa akanono nangu umulopa wa ci Irish. Kabili Tata na Mayo tabaleya ku calici, kabili baupene kunse ya lukuta kabili tabakwete na bukapepa nakalya. Kabili kunuma kulya mukati ka mpili takwali no lukuta lwa Cikatolika. Eico balishile kulya nga abekashi bakubalilapo, ba Branham babili balishile kulya, kabili ukufuma muli aba mwafumine inkulo yonse ya bena Branham; ico ecitoto calupwa.

Kabili nomba ali swile...Lintu baiiswile ili window kabili ulu Lubuuto lwa iminine mukati mulya, tabaishibe ifya kuti bacite. Batata bali mushitile (Mayo atile) ofoloshi umo umupya kuli ici icacitike. Bali iminine na ma...amaboko yabo mwi

tumba lya pa mulu ya ofoloshi uwakale, kwati abekala mu mpanga kabili na bakalepula wa mbao balecita muli shilye nshiku. Kabili cali bapele umwenso.

Cisuma, panuma yakucenjelako limbi inshiku ishakufyalwa ikumi limo, nangu shimbi, balinsendele ukuntwala ku ka calici aka Baptist akanono kaleitwa “Oppossum Kingdom,” Opossum Kingdom Baptist church. Ili lishina icine cine. Kulya kwali kashimikila uwakale uwaleendaenda, kashimikila uwa-musango wakale wa ci Baptist aleisa ukupita mulya limbi umuku umo panuma ya myeshi ibili. Pa... Abantu balekwata ukulongana ukunono capamo, baleya ukuya mu kwimba inyimbo shimo, lelo balekwata ukushimikila limo limo kuli keendaenda pali kabalwe. Bale mulipila cila mwaka isaka lya fipushi kabili ne fintu ifinono nga filya, namwishiba, ifyo abantu balesonka ku kumupela. Kabili kashimikila uwakale alishile, kabili palya alipele ipepo pali ine nga akumulendo akanono. Bulya bwali ubulendo bwandi ubwakubalilapo ku calici.

Pa mwaka ukufika kwati... icintu cimo ukucila pa cimo ca myaka ibili, icimonwa cantanshi calicitike.

Cisuma, baile balebeba ukushinguluka mu mpili mulya ukuti “Ulu Lubuuto lwaishilemo.” Eico balieseshe ukucelenganya. Bamo batile cilingile cali ulubuuto lwa kasuba ukubalikila pa cilola mu ng’anda. Lelo tamwali icilola mulya. Kabili na kasuba takali takalatula, eico cali lucelo sana, faifi koloko. Kabili nomba, yangu, bali Cicilwike fye. Kabili lintu nali ukufika pa... limbi fye mupepi imyaka itatu...

Nomba, ningile ukuba uwa cishinka. Pali fintu pano ifyo nshifwaya ukulanda, kabili kuti natemwa ukuficilila kabili no kukana filanda. Lelo nalyo line, ukulanda icine, ufwile ukulanda icine nga cili pali iwe nangu abantu bobo. Ube uwa cishinka pali cena, kabili lyonse caba cimo cine.

Batata bali ukutali sana ku kuba umuntu uwa bukapepa. Bali umulumendo umwine mwine uwa mu mpili uyo uwa lenwa lyonse, inshita yonse. Kabili baishile kwata ubwafya bumo mu lubuli, kabili kwali abaume babili atemwa batatu mupepi fye no kwipaiwa ilyo balelwa, ukulasa, kabili no kucekana umo no mubiye na manaifi, kumo ukwali kwati malila mukati mulya mu mpili. Kabili Batata ebali intungulushi imo pali ulu lubuli, pantu kulya kwali cibusa wabo uwa cenekwe, kabili ali tobele umo ne cipuna. Kabili ali... Umwaume ali fumishe naifi kabili ali no kulasa umunabo wa Batata panshi neyi naifi, ukupula mu mutima wakwe, kabili Batata basendele imbali yabo. Kabili lulingile lwali ulubuli ulubi, pantu bena, ukufuma konse kulya ukuya ku Burkesville, ukutali ama mailoshi ayengi, balitumine kabilo ukukonka Batata, pali kabalwe.

Eico umwaume ali nalambalala mupepi ne mfwa. Limbi kuti kwaba bamo abantu bakwe abalekutikako. Nalalumbula ishina lyakwe, Will Yarbrough elyali ishina lyakwe. Bena limbi... Ndetontonkanya bamo baba mu California, abalumendo bakwe. Lelo ali lipaka, umwaume uwamaka umukalamba, ali ipeye umwana wakwe umulumendo ne cishimbi ca kulupango. Eico ena- ali uwamaka sana kabili umwaume uwabipisha. Kabili eico kulya kwali ulubuli ulukalamba ulwa minaifi pakati kaena na Batata. Kabili batata balifye mupepi no kwipaya uyu mwaume, eico bali butwike kabili no kufuma mu Kentucky kabili no kwisa ukwabuka umumana ukuya ku Indiana.

Kabili balikwete munyina uwaikele, pali ilya nshita, mu Louisville, Kentucky, ali superintendent wa cibili uwa Wood Saw Mills mu Kentucky, mu Louisville. Kabili eico Batata baishile sanga abakalamba babo. Batata ebaceshepo pa balumendo bonse, pa bana ikumi limo na cine lubali. Kabili eico baishile sanga abakalamba babo, kabili ninshi baliya mupepi no mwaka ukupwa. Tekuti babwele, pantu ifunde lyale bafwaya. Kabili nomba ilyo twaumfwile ukufuma kuli bena mu nkalata, iyalembwapo ne shina limbi, lelo ici bali ebele bamayo ifyo cali nokuba ukuti bali no kumfwa ukufuma kuli bena.

Kabili nomba ndeibukisha ubushiku bumo akafukauka (aka kayanda kanono) kali fye kunuma ya ng'anda. Kabili-kabili pali ilya nshita panuma... Kwaba pabula... imyeshi ikumi limo naumo pakati kaine na munyina, uwankonkapo kabili ena ali acili aleyamfula. Kabili nalikwete icilibwe icikulu mu kuboko kwandi, kabili naleesha ukumulanga ifyo ningasukusa na maka ili libwe mu ntipa ishakale, umo akafukauka kafumine mu mushili no kupanga umushili wa ntipa. Kabili naumfwile akoni, kabili kaleimba mu mulu mu cimuti. Kabili nali lolekeshe mu mulu muli cilye cimuti kabili na koni kali pupwike, kabili, ilyo kacitile, Ishiwi Iya landile kuli ine.

Nomba, ninjishiba muletontonkanya ukuti teti ntontonkanye kabili no kwibukisha cilya. Lelo Shikulu Lesa Uuli ni Kapingula, uwe sonde kabili ne myulu kabili na fyonse ifya bamo, naishiba ukuti ndelande cine.

Kalya akoni, ilyo kapupwike, Ishiwi lyafumine ukufuma palya apali akoni mu cimuti, kwati icipupu iciketwe mu cimpusa, kabili Lyatile, "Ukekala mupepi no musumba uwitwa New Albany." Kabili naliikala, ukufuma pa nshita nali pacimo ca myaka itatu mpaka ino nshita, mupepi ba mailoshi batatu na New Albany, Indiana.

Nalingile mukati no kuya eba bamayo pali ici. Cisuma, batontonkenye ukuti nalelota fye nangu cimbi.

Kabili panuma twakukile ku Indiana kabili Batata baile mukubombela umuntu, Ba Wathen, umwaume umukankala. E mwine wa Wathen Distilleries. Kabili alikwete ne fyuma ifingi; ena ni multimillionare, kabili ba Louisville Colonels, kabili-kabili no mupila, kabili nafimbipo. Kabili twaleikala mupepi kulya. Kabili Batata pakuba umuntu umupina, lelo tekuti bekalefye ukwabula ukunwa, eico ba-ba baleenga ubwalwa [whiskey-Kelula.] mu-mu cangwengelako.

Kabili nomba caletele ubucushi pali ine pantu nali umukalamba pa bana. Naleisa kabili nokutwala amenshi kuli ici cakwengelako, ukutalalika ilye mipaipi ilyo baleenga bulyo bwalwa. Elyo aleya mukubushitisha, kabili nomba asendele fibili nangu fitatu ifya filya ifyakwengelako. Nomba, ico eciptulwa nshifwaga ukulanda, lelo ici cishinka.

Kabili ndeibukisha ubushiku bumo, ukufuma ku butala, naile ndelila, ukufika ku ng'anda. Pantu kunse kulya kunuma ya ncende kwali icishiba, cena...uko baleputula ice. Mwebengi imwe muleibukisha ilyo baleputula ice kabili no kuibika mu fipalwa ku mbao. [sawdust-Kelula.] Cisuma, emusango Ba Wathen balesunga ice kunse kulya mu mpanga. Kabili Batata bali ba-bakubensha, kensha uwabo. Kabili lintu ici cishiba caiswilemo ne sabi kabili lintu baleya mukupandaula ice kabili no kuleta no kuibika muli sawdust, kabili lintu ice yasunguluka mu nshita ya lusuba ilyo ileya panshi, yali kwati iya busaka ndemoni, kwati bempa wa ice, kabili baleya bomfya, tekukunwa, lelo ukusunga amenshi ukuba ayatalala, ukuya bika ukushinguluka imbeketi shabo kabili no mukaka wabo, kabili na fimbipo.

Kabili ubushiku bumo ukusenda amenshi ukufuma kunse kulya pali uyu pompi, uwali mupepi ne cimudadada. Nalepundilila kuli uyo ushinga yakwata, pantu elyo nafumine ku sukulu kabili na balumendo bonse baliile kulya ku cishiba, ukuloba. Nalitemenwe fye ukuloba. Kabili eico bonse fye balimine ukuya mukuloba kano fye ine, kabili nalisendele amenshi ya kuli ici ica kwengelako. Nalyo line, iyee, balya bali ni bamayo, cilya bali bindile. Kabili ine. . . Cali nkosele sana. Kabili ndeibukisha ukufuma kulya ne cikondo icapununwa, kabili nalikwete icikapa cetaba icapombwa kwisamba ya cikondo candi ku kucicingilila kulukungu. Bushe mwalitala amucitapo cilya? Bikeni fye icikapa cetaba kwisamba ya cikondo cenu nge *fi* kabili no kukaka akatambo ukushingulusha. Cilekatilila icikondo cenu pa mulu kwati fye mutwe wa fulwe, namwishiba, ukutumpuka mu mulu. Kuti mwaishiba monse umo ndepita, ne cikapa ici cetaba kwisamba lya cikondo candi; apo ninga cinyantila, namwishiba. Nshakwete insapato ishakufwala. Eico tatwalefwala insapato, limo ukufika pakati inshita ya mpepo. Nga twalicitile, ifwe. . . cali fye isho twingatola fye, umo kuti atupela. Kabili ne fyakufwala ifyo umo, kafwilisha aletupa.

Kabili naliiminine mwi samba lya ici cimuti, kabili nali ni njikala mulya ukulalila fye (cali ni mu September) pantu nalefwaya ukuya mu kuloba, nali no kwisusha utubeseni utwingi utwa menshi utubeketi utunono utwa luto, utwa lepa fye nge *fi*, citika ya gallon, pantu nali fye umulumendo umunono uwa cimo ca myaka cine lubali. Kabili kuti nayetila mu cibeseni icikulu kabili nomba no kubwelelamo no kuya senda imbeketi shibili kabili no kubwela, ukuyapompa. Aya e menshi twakwete. Kabili bali ukubombela pa ciputulwa ici ica bwalwa bwa mataba bulya bushiku, aba baume na Batata, ukufika palya pa ng'anda.

Kabili nalelila, kabili nshita iyo ine naumfwile cimo cilepanga icongo kwati ni kankungwe, cimo nge fi (nomba, ndesubila tacaumfwike sana), caleya “Whooooosssh, whoooooosssh,” icongo fye nga ifyo. Cisuma, kwali tondolo sana, kabili naliloleshe mu mbali. Kabili namwishiba cinshi, kankungwe umunono, ndecetekela muciiita icipupu icinono? Ku mpela ya mwaka fisenda ukufuma mu cilime ca nyanje, namwishiba, amabula kabili na fimbipo, mu lusuba mulya, amabula elyo yatendeka fye ukupuka. Kabili nali mwisamba lya cimuti icikalamba icitwa poplar, caiminine kwati citika pakati ka butala kabili ne-ne ng'anda. Kabili nalyumfwile cilye congo. Kabili nalilolekeshe mu mbali, mwali fye tondolo nge fyo cili muli ici cipinda. Takwali ibula lyalesunkana ukuli konse, nangu icili conse. Kabili natontonkenye, “Inga cilye congo cilefuma kwisa?” Cisuma, natontonkenye, “Cilingile kutali ukufuma pano.” Umwaice fye. Kabili caleya cileumfwika sana kabili sana.

Nalimishe utubeketi twandi utunono kabili no kulila imisowa inshita na shimbi kabili natendeke ukulaenda mu kashila, naletusha. Kabili nalifuminepo amafiti ayanono ukufuma kuli cilya, ukufuma mwi samba lya misambo lya ici cimuti icikulu, kabili, owe, iyee, capangile iciunda nge cintu icileshinguluka sana. Kabili nalipilibwike ukulolesha, kabili pakati ka cilya cimuti pali kankungwe na umbi, naikatwa muli cilye cimuti u-ukulaya aleshinguluka no kushinguluka, ukutensha yalya amabula. Cisuma, nshatontonkenye nangu cimo ica bweni pali cilya pantu cali fye muli ilya nshita ya mwaka, kabili mu lusuba, cinshi, tulya tukankungwe tulesa. Utunono. . . Tufiita “tukankungwe.” Kabili file-kabili filemya ulukungu. Mwali fimona mu matololo nga filya. Icintu cimo cine. Eico nalelolekesha, lelo takafuminepo. Ilingi kashinguluka fye inshita inono, elyo kalaya, lelo kali mulya ba mineti babili nangu ukucilapo.

Cisuma, nalitendeke ukwenda mu musebo na kabili. Kabili nalipibwike ukuti mone ici na kabili. Kabili ilyo Cacitile, Ishiwi lya muntu lyaumfwike bwino bwino nge fyo ilyandi lili, lyatile, “Wikesha ukunwa, ukupeepa, nangu ukubifya umubili

obe mu nshila iili yonse. Kuli umulimo uo ukabomba nga wakula.” Cinshi, calimpele ukumfwa umwensu mupepi no kufwa! Kuti mwaelenganya ifyo aka mulumendo akanono kaumfwile. Naliponya shilye mbeketi, kabili naile ku ng’anda nalibutwike ulubilo sana nge fyo ninga butuka, ukupunda pa mulu we shiwi lyandi.

Kabili kwali ba copperheads muli cilye calo, insoka, kabili shalikwata ubusungu sana. Bamayo batontonkenye, ukwisa ukwenda mwibala limbi nanyantile ukulu kwandi pali copperhead kabili bali butwike uku kumanya ine. Kabili natolokele mu maboko yabo, ukupunda, ukuba kumbata no kulaba fyompa. Kabili batile, “Cinshi cacitika, bushe nausumwa ne nsoka?” Bali ndoleshe monse monse.

Natile, “Awe, Mayo! Muli umwaume muli cilya cimuti pesamba palya.”

Kabili batile, “Yangu, Billy, Billy! Umfwa kuno?” Kabili batile, “Bushe waciiminina kabili no kulala?”

Natile, “Awe, mayo! Muli umwaume muli cilye cimuti, kabili Acinjeba wilanwa kabili wilapeepa.”

“Ukunwa amalwa kabili-kabili ifintu.” Kabili naletwala amenshi kucakwengelako ubwalwa, ilya ine nshita. Kabili Atile, “Wikesha ukunwa nangu ukubifya umubili obe mu nshila iili yonse.” Ici bulalelale, namwishiba, kabili ku bwaice bwandi... umwaume umunono na banakashi. Kabili ku kwishiba kwandi ukwafikapo, nshatala inshita nangu imo ukuba no mulandu uwa musango yu. Shikulu ali ngafwilishe kuli filya fintu, kabili ilyo ndeya pantanshi mwalamona. Eico kanshi, “Wilanwa nangu ukupeepa, nangu ukubifya umubili obe, pantu ukakwata umulimo iwe uwakucita nga wakula.”

Cisuma, naebele Bamayo ici, kabili-kabili bena bansekele fye. Kabili nalifye uwa fulungana. Baliitile shing’anga, kabili shing’anga atile, “Cisuma, ali fye no mwensu, epela fye.” Eico ambikile fye mubusanshi. Kabili nshatala, ukufuma bulya bushiku mpaka ilelo, nshatala ukupitila pali cilye cimuti na kabili. Nali no mwensu. Nalepita kwisamba ulubali lumbi lwe bala, pantu natontonkenye mulya mwali umwaume mu mulu muli cilye cimuti kabili Alelanda kuli ine, asosele Neshiwi likalamba ilya tikama.

Kabili nombamba inshita imbi umweshi umu, panuma ya ici naleyangala no tumupila utunono kuse na bamunyina abanono, kuse mulubansa lwa kuntanshi. Kabili inshita iyo ine naumfwile ukumfwa kumo ukwaibela ukwaishile pali ine. Kabili naliiminine kulubali lwa cimuti. Kabili twali palya pa mulu ku lumbamba lwa mumana ukufuma ku Mumana wa Ohio. Kabili naliloleshe pesamba lubali lwa ku Jeffersonville, kabili na mwene ubulalo bwaima kabili no kucilinganya cilya, mumana, ukuciluka umumana. Kabili na mwene abaume

ikumi limo na mutanda (nali bapendele) abo abaponene mulya no kulufya imyeo yabo pali bulya bulalo. Nali butwike bwangu bwangu ukuya eba bamayo, kabili batontonkenye ukuti nali nindala. Lelo bali cisungile mu mutima, kabili panuma ya myaka amakumi yabili na ibili ukufuma lilya Ubulalo bwa Manucipal nomba (ubo mwe bengi mwabukilapo nga mwaabuka palya) bwaciluka umumana pa cifulo cimo cine, kabili na baume ikumi limo na mutanda balufishe ubumi bwabo lintu balekula bulya bulalo ukuciluka umumana.

Tacatala ukufilwa ukuba icine icapwililika. Ngefyo mu cimona Munu mu cikulwa, Lyonse caba fye ifi fine.

Nomba, batontonkenye ukuti nalifye no mwenso. Ico, ndi muntu uwa mwenso, ici cishinka. Kabili, nga cakuti mwamona, abantu ababa-ababelelela mu mupashi ba mwenso.

Moneni kuba mishikakulo kabili na bakasesema. Kabili lolesheni kuli William Cowper uwalembela lulya lwimbo ulwa lumbuka sana, “Kuli ko akafukauka akaisulamo no Mulopa, uwafumishiwa mutushinga twa kwa Immanuel.” Bushe mwalitala...Mwalishiba ulwimbo. Naiminine pa nshinshi yakwe tekale sana. Munyina Julius, ndecetekela, nshaishiba, awe...ee, ico cishinka, ali naifwe kulya kwine pa nshinshi yakwe. Kabili-kabili kulya, panuma alembele lulya lwimbo, ukuputwa kwali fumine pali ena, alieseshe ukusanga aka-akamana ku kuipaya. Mwamona, umupashi wali mushile. Kabili abantu nga ba mishikakulo kabili na bakalemba kabili...nangu iyoo...ndelanda bakasesema.

Lolekesheni kuli Eliya, lintu aiminine pa lupili kabili no kwita umulilo ukufuma mu mulu kabili no kwiita imfula ukufuma mu mulu. Elyo lintu Umupashi wafumine pali ena, abutwike pa ku mutinya ku mwanakashi. Kabili Lesa amusangile naipeta mu lucengo, panuma ya nshiku amakumi yane.

Lolekesheni kuli Yonah, no kuputwa ukwalinga lintu Shikulu amusubile ku kushimikila mulya mu Nineveh, mpaka u-umusumba uwali uwalingana na Saint Louis balapile ne cakufwala cesaka. Kabili nomba lintu Umupashi wa mushile, cinshi cacitike kuli ena? Tule musanga pa mulu wa lupili panuma Umupashi wa mushile, ukupepa kuli Lesa ukusenda ubumi bwakwe. Kabili, mwamona, ici kuputwa. Kabili ilyo ifi fintu ficitika, cila-cila cite cintu cimo kuli imwe.

Kabili ndeibukisha ukwisa pa mulu. Natendeke ukuba umulumendo. (Nalayangu fyanya ukuti mpwishe munshita yalakonkapo inono.) Lintu naletendeke ukuba umulumendo nakwete amano nga abalumendo bonse. Ine...ukuya ku sukulu, nali basangile abakashana balya abanono. Namwishiba, kabili ine nali uwansoni sana, namwishiba. Kabili ine-ine mukulekelesha nafwaile cibusa umwanakashi

umunono. Kabili nge fyo abalumendo bonse abanono, limbi imyaka yakufyalwa ikumi limo na isano, ifyapale fyo, ndemona. Kabili-kabili eico, owe, ali umusuma. Iyee, akwete amenso nge nkunda, kabili akwete ameno kwati ni bamargariti, kabili umukoshi kwati ni mung'ang'a, kabili ali-ali umusuma sana.

Kabili no mulumendo umbi umunono, ena . . . twali ifibusa, eico asendele motoka ya bawishi iyakale mumipangile -T Ford, kabili twapangene na bakashana besu. Kabili twali no kubasenda ukunina muli motoka. Twakwete ishalinga ukushita amagaloni yabili aya mafuta. Twali shumbile iwilo lyakunuma pamulu ku kuisumba. Nshishibe nga cakuti mule ibukisha ici atemwa iyoo, namwishiba, ukuisumba. Lelo twa-twa leya fye bwino sana.

Kabili eico nakwete utuma nikelo utunono mu matumba yandi, kabili twaliminine pa ncende iinono kabili twasendele . . .kuti wasenda ham sandwich pali nikelo umo. Kabili eico, owe, nali umukankala, kuti nashita ifi fine! Mwamona? Kabili panuma twalile ama sandwich no kunwa coke. Natendeke ukubwekeshamo amabotolo. Kabili ica mpapwishe, ilyo nafumine, (abanakashi batendeke fye ukulawa ukufuma ku nkumbu pali ilya nshita, atemwa ukufuma ku bwanakashi) inkunda yandi iinono yalepeepa fwaka.

Cisuma, lyonse nalekwata itontonkanyo lyandi pa mwanakashi uwinga peepa fwaka, kabili nshaipilibula nangu fye panono ukufuma pali ilye nshita na nomba. Ico cishinka. E cintu icapanshi sana eco enga cita. Kabili ico cishinka sana. Kabili na-nalitontonkenye ine . . .Nomba, abapanga fwaka kuti ba mpela umulandu pali ici, lelo, ndemweba, cilya bulangisho fye ubwa kwa Ciwa. E cipondo icikalamba kabili no bonaushi cino calo cakwata. Kuti cawama umwana wandi umulumendo ukuba cakolwa ukucila ukuba kapeepa wa fwaka. Ici cacine. Kuti cawama namona umukashi wandi nalambalala panshi, nakolwa, ukucila ukumumona nafwaka. Efyo caba . . .

Nomba, uyu Mupashi wakwa Lesa uwaba naine, nga cakuti Uyu Mupashi wakwa Lesa (ngefyo limbi mwinge pusha), imwe mweba peepa fwaka mwali kwata iishuko iilinono ukufika kulya, pantu cilya caba . . .inshita iili yonse. Mulacimona kuntanshi, ifyo a Cebaula. Cintu icabipa sana. Talukeni kuli yena. We mukashana, nga cakuti naushininwa pali ico, napapata, mwi Shina lya kwa Kristu, talukako kuli yena! Ilekonaula iwe. Ikakwipaya. Cili . . .Yena- ni mpwalonda mu kufina ukwingi.

Ba shing'anga baleesha ukumusoka. Kabili nomba kuti bamushitisha shani filya fintu! Nga kuti mwaya mulya

mwituka lya miti kabili mwaitila, “Shita . . . Ndefwaya ukushita amacent amakumi yasano aya mpwalonda.” Cinshi, kuti baisa mu kubakaka. Lelo nga cakuti mwashita fwaka iyakumanina ama cent amakumi yasano, muleshita icintu cimo cine. Ba shing’anga eflyo basosa. Yangu, cino calo icapena ne ndalama. Cintu icabipa sana. Cena cipondo. Ici cali shininkishiwa.

Cisuma, ilyo namwene ulya umukashana umunono umusuma ukucita fye ubucenjeshi, uyu fwaka mukuboko kwakwe, ici calefwaya fye ukunjipaya, pantu natontonkenye ukuti nalimutemenwe sana. Kabili natontonkenye, “Cisuma . . .”

Nomba, banjita ukuti “uwapata-abanakashi,” mwalishiba ico, pantu lyonse capala kwati ndasusha abanakashi, lelo tekususha imwe Bankashi. Nsusha fye umusango abanakashi bashino nshiku bacita. Ico cishinka. Abanakashi abasuma balingile ukuba fumyamo.

Lelo ncili ndeibukisha ilyo cakwengelako ca batata calebomba, naleba kunse kulya na menshi kabili ne fintu, ukumona abakashana abacaice abashacilile pa myaka ikumi limo na cine lubali, icimo ukufika pa myaka ikumi limo na cine konse konse, kuli lye ncende no mwaume pa cimo candi nomba, nabakolwa. Kabili balebalenga ukutekanya pa ku bapela coffee uwafita, ukuti baye ku ng’anda ukuyaipikila abalume babo icakulya ca mulalilo. Yangu, fimo ifya musango uyo, natile, “Ine . . .” Uku ekwali ukusosa kwandi lilya, “Tabali abalinga ukubonaula ne cipolopolo icipya.” Ici cishinka. Kabili nalipatile abanakashi. Ici cishinka. Kabili ningile fye ukumona ukwenda ukuli konse nomba, ku kusunga nanomba ukutontonkanya icintu cimo cine.

Eico, lelo nomba, umwanakshi umusuma mwala uwaemba mu ngala yakwa wiba. Alingile ukucindikwa. Ena . . . Bamayo banakashi, umukashi wandi nao, kabili basuma. Kabili nalikwata imyanda Bankashi abena Kristu abompela umucinshi nganshi. Lelo nga-nga kuti bacindika ifyo Lesa abapangile, banacifyashi kabili namfumu uwacine, ico ecisuma. Ena ecintu cimo icisuma ico Lesa engapela umwaume, cali umukashi. Kunse ye pusukilo, umukashi ecintu icawamishapo nga cakuti mukashi umusuma. Lelo nga taba, Solomon atile, “Umwanakashi umusuma mwala uwaemba mu ngala yakwa wiba, lelo u-umubifi ena atemwa uyo-ushawama menshi mu mulopa wakwe.” Kabili ici cishinka, cintu icabipisha icinga citika. Eico umwanakashi umusuma . . . Nga cakuti walikwata umukashi umusuma, munyina, ulingile ukumucindika no mucinshi onse. Ici cishinka, uulingile ukucite ci. Umwanakashi uwacine! Kabili, mwebana, nga mwalikwata banyinenwe aba cishinka abo abekala pa ng’anda kabili balesha uku musakamana ukusunga ifyakufwala fyenu ubusaka, balamutuma ku sukulu, ukumusambilisha pali Yesu,

mulingile ukucindika ulya noko umukote umusuma na conse icaba muli iwe. Ulingile ukucindika ulya namayo, eeh, mukwai, pantu ni nacifyashi uwacine.

Balalanda pa bututu bwa mpili sha Kentucky. Mula cimona muli ici pano mu fintu ifya mibele ibi. Bamo balya ba nacifyashi abakale kunse kulya kuti baisa kuno ku Hollywood kabili noku mufunda imwe banacifyashi ba nshiku shipya ifya kukusha abana benu. Lekeni umwana wakwe ese mu nshita imo iya bushiku ne mishishi yakwe iyafulungana, kabili ne milomo... milomo, (muciita shani cilya?) ifintu ifya kuiwamishako babika pa finso fyabo, kabili ne ndeeshi yakwe iyatintilwa lubali, ka bili aciba kunse ubushiku bonse, nakolwa, munyina, kuti asenda umo ubwembya pa mulu wacilya cimuti ca hickory kabili teti aye mukwenda enda na kabili. Ndemweba, ena kuti...Kabili nga mwalecita ifya musango filya, kuti mwakwata Hollywood uwawamisha kuli ino ncende, kabili ne calo icisuma. Ico cishinka. Ici cacine. "Esheni fye ukuba aba mu nshiku shipya," bulya-bulya ebucenjeshi bumo ubwakwa Ciwa.

Nomba, uyu umukashana umunono, ilyo namulolekeshe, umutima wandi wakwete ubulanda. Kabili natontonkenye, "Umuntu umunono umupina."

Kabili atile, "Oh, ulefwaya fwaka, Billy?"

Natile, "Awe, mayo." Natile, "Nshipeepa."

Atile, "Nomba, wacilanda ati taushana." Balefwaya ukuya kumasha kabili nshacicitile. Eico batile kwali amasha kwisamba kulya, ico baleita Sycamore Garden.

Kabili natile, "Awe, nshi shana."

Atile, "Nomba, taushana, taupeepa, taunwa. Musango nshi ukwatilamo insansa?"

Natile, "Cisuma, nalitemwa ukuloba kabili nalitemwa ukulunga." Ici tacamusekeshe.

Eico atile, "Bulo uyu mushanga."

Kabili natile, "Awe, mayo, natotela. Nshipeepa."

Kabili nali ninjaminina paka mutanto. Balikwete utufyela twakunyantapo kuli ba Ford bakale, muleibukisha, kabili nali ninjaminina pali uyu mutanto, ukwikala kucipuna cakunuma, ena kabili na ine. Kabili atile, "Ulenjeba tawapeepe umushanga?" Atile, "Kabili ifwe fwe bakashana twali kwata sana ukushipa ukucila iwe."

Kabili natile, "Awe, mayo, nshilecetekela kuti nafwaya ukucicita."

Atile, “Cinshi, we sissy umukalamba!” Yangu, iyee! Nalefwaya ukuba Billy umubi umukalamba, eico ine-ine mucine nshalefwaya nangu cimo icabu sissy. Mwamona, nalefwaya ukuba uwakulwisha icilambu, ili elyali itontonkanyo lyandi lya bumi. Eico natile. . . “Sissy! Sissy!”

Tekuti nshipikishe cilya, eico natile, “Ipele kuli ine!” Ukutambika ukuboko kwandi, natile, “Nalamulanga nga cakuti ndi sissy atemwa iyoo.” Nalipokele ulya mushanga kabili natendeke ukwasha machesi. Nomba, ninjishiba muli ba. . . Nomba, nshili uwakumako kufyo muletonkanya, ndi fye uwakumako pa kulanda icine. Ilyo natendeke ukwasha ulya fwaka, nalefwaisha fye ukuti ningapepa ngefyo ndi no kwimya uyu Baibele, mwamona, naumfwile cimo cileenda, “Whooooosssh!” Nalieseshe na kabili, tekutimbike pakanwa kandi. Kabili natendeke ukulalila, naliposele cilya cintu panshi. Batendeke ukulanseka. Kabili nalyendele ukuya ku ng’anda, napitile mulya mwibala, nalifumineko-kulya, ndelila. Kabili-kabili bwali ubumi ubwabipa sana.

Ndeibukisha ubushiku bumo Batata baleya kwisamba ku kumana na balumendo. Munyina pamo naine, twalisendele ubwato kabili twaleya ku mulu kabili na kwisamba lya mumana, ukufwaya amabotolo aya kupakamo ubwalwa. Twalepoka nikelo pe kumi limo na yabili, pa kuyatola mu mbali ya mumana. Kabili Batata bali naine, kabili bakwete tulya utunono utwapapatala. . . Ndecetekela yalikhwati mabotolo ya ma painti ya citika. Kabili kwali icimuti icasunkilwe panshi, kabili Batata. . . Kabili uyu muntu bali nankwe, Ba Dornbush. Nali no bwabo. . . Balikwete ubwato ubusuma, kabili nalefwaya ukusanga ububile kuli bena pantu nalefwaya ukubomfya bulya bwato. Bwalikwete ica kutungwilwako icisuma kabili ubwandi tabwakwete ica kutungwilwako nakalya. Twakwete fye inkafi ishakale ishakobelako. Kabili nga kuti bansuminisha ukubomfya bulya bwato. . . Eico, aleocelela kabili apangile Batata ifyakwengelako. Eico ena. . . Balibikile ukulu kwabo pa mulu ukucinganya cilya cimuti, kabili Batata baingishe mwi tumba lyabo ilya kunuma kabili no kufumyamo akalibotolo akapapatala akanono aka bwalwa, no kukapela kuli wene kabili alinwenemo, no kukabwekesha kuli Batata kabili nabo balinwenemo, kabili balikabikile pa kalimwa akanono kumbali ya cimuti ako akalepuuka. Kabili Ba Dornbush balikemishe, batile, “Alebula, Billy.”

Natile, “Natotela, nshinwa.”

Atile, “Umwina Branham, kabili taunwa?” Bonse bafwile nga bacakolwa, mupepi. Kabili atile, “Umwina Branham, kabili uushinwa?”

Natile, “Awe, mukwai.”

“Awe,” Batata batile, “Nalikusha sissy umo.”

Batata ukunjita sissy! Natile, “Mpeni ilyo botolo!” Kabili nalitintile kalya kaciliko pa mulu wakako, nalefwaisha ukubunwa, kabili lintu natendeke ukubuleta pa mulu, “Whooooosssh!” Nalibwesesho botolo kabili nalibutwike ukuya pitila mwibala na maka nge fyo ningacita, ndelila. Cimo canengele ukukana cicita. Mwamona? Teti nsose ukuti nali umo umusuma (nalefwaisha ukucita), lelo ni Lesa, ni nkumbu, inkumbu shakupapusha ishansungile ukukana cita filya fintu. Nalefwaya ukuficita, nemwine, lelo Ena tandekele ukuficita.

Panuma nalisangile umwanakashi lintu nali ne myaka ukulingana ne cimo amakumi yabili na ibili, ali mutemkwa. Ali mukashana uwaleya ku lukuta, German Lutheran. Ishina lyakwe ali Brumbach, ‘B-r-u-m-b-a-c-h, lyafumine kwi shina lya Brumbaugh. Kabili ali mukashana umusuma. Talepeepa nangu ukunwa, atemwa-atemwa taleshana nangu icili conse, umukashana umusuma. Naliendele nankwe pa kashita kanono, kabili nali fye ne myaka ukufika amakumi yabili na ibili. Nalipangile indalama ishing, mpaka nalishitile Ford uwakale, kabili ine...twalepangana ukuya capamo. Kabili eico, ilya nshita, takwali ulukuta lwa Lutheran mupepi, balikukile ukufuma ku Howard Park kulya ku ntanshi.

Kabili eico kwali kashimikila, ulya uwa ndashike mu Missionary Baptist Church, Doctor Roy Davis. Nkashi Upshaw, ulya wine uwatumine munyina Upshaw ukwisa kuli ine, atemwa alandile nankwe pali ine, Doctor Roy Davis. Kabili eico aleshimikila, kabili akwete First Baptist Church, atemwa i-i...Nshilecetekela cali ni First Baptist Church, limbi, cali ni Mission-...caleitwa Missionary Baptist church ku Jeffersonville. Kabili aleshimikila pali ilya ncende pali ilya nshita, kabili twaleya ku calici inshita ya bushiku, eico... kabili kuti twabwela. Kabili nshatala njilunda ku lukuta, lelo natemenwe fye ukuya nankwe. Pantu itontonkanyo iline line lyali “ukwenda nankwe,” neli line ningile ukuba uwacishinka.

Eico kanshi ukulaenda nankwe, kabili ubushiku bumo ine...Ena afumine mu lupwa ulusuma. Kabili natendeke ukutontonkanya, “Namwishiba, namwishiba, nshilingile ukusenda inshita ya ulya umukashana. Tacili-tacili cisuma, pantu umukashana musuma, kabili ndi mupina kabili-kabili ine...” Batata tabali no bumi ubusuma, kabili ine-ine... Takwali inshila iyakupangilako ubwikashi ku mukashana nga ulya, uwabeleshe ku ng’anda iisuma kabili ne fisalu panshi.

Ndeibukisha icisalu ca ntanshi ico nabalilepo ukumona, nshaishibe fintu cali. Napitile mumbali. Natontonkenye ukuti cali cintu icawamishapo namona mu bumi bwandi. “Kuti babika shani icintu ca musango nga ulya panshi?” Cali cisalu ca ntanshi ico namwene. Cali-cali cimo pali fi...Ndecetekela

bacita “icisalu ca mati.” Kuti nalumbula ici mu kuluba. Cimo icapala “kotoni” nangu cimo icapikulwa pamo, kabili nacanshikwa panshi. Icisuma icakatapa kabili icakashika, kabili ifishilwa ifikulu ifyabikilwe pakati ka ciko, namwishiba. Cali icintu icaemba.

Kabili eico ndeibukisha ine—ine nalipilibwile amano yandi ukuti limbi ningile ukumwipusha ukumupa, nangu ningile ukuleka umwaume umo umusuma ukumupa, umo uwingaba bwino kuli ena, uwingamupangila ubwikalo kabili ukuba bwino kuli ena. Kuti naba bwino kuli ena, lelo ine—ine—ine nalepanga fye amacent amakumi yabili pa nsa imo. Eico tekuti mpange ubwikashi bwine bwine kuli ena. Kabili ine...No lupwa lonse twalesunga, kabili Batata tabakwete ubumi ubusuma, kabili nalebasunga bonse, eico nalikwete inshita iyakalabana sana.

Eico natontonkenye, “Cisuma, icintu cimo ica kuti ine ncite kumweba fye ukuti ine-ine-(ena)-ine-ine nshabwele fye na kabili, pantu nalitontonkenye sana pali ena ku konaula ubumi bwakwe kabili kuleka aletumpikwa naine.” Kabili natontonkenye, “Nga kuti kwaba umo uwingamusanga kabili no kumupa, no kupanga ulupwa ulusuma. Kabili limbi ine nga nshakamubule, ine kuti-ine kuti naishiba ukuti acili uwa nsansa.”

Kabili eico natontonkenye, “Lelo ine-ine fye-ine tekuti mulekeko fye!” Kabili ine-nali mu musango uwabipa. Kabili ubushiku no bushiku naletontontokanya pali ici. Eico nali uwansoni sana ukumwipusha ukuti mupe. Inshita yonse iya bushiku nalepanga mu mano yandi, “Ndi no kumwipusha.” Kabili, lintu na, uh, ni cinshi cilya, ifipelebesha, nangu ico musanga mu myenu...? Bonse mwe ba bwananyina uko kunse limbi mwalikwetepo ukwishiba kumo kwine muli ici. Kabili imyumfwile iineine iyaibela, icinso candi calekaba. Ine nshaishibe. Tekuti mwipushe.

Eico ndetunganya mulesunguka umusango naupilemo. Namwishiba ici? Nalilembele kalata kuli wene kabili no kumwipusha. Kabili eico ena... Nomba, tacali “umutemwikwa Umukashana,” calipulilepo panono (namwishiba) ku lubali lwa citemwiko ukucila ico. Tacali fye i-ukusuminishanya, cali... Ine-nalilembele mu busuma bonse ningacita.

Kabili naletinako panono banyina. Banyina bali... bali mu musango uwakalabana. Kabili, lelo bawishi bali bakalamba abatekanya aba Dutch, umuntu fye umusuma umukote. Bali abakubunganya aba bwananyina, kabili na bantu beshitima, mu njanji, ukupanga limbi ama dollar umwanda amakumi yasano pa mweshi muli ilya nshita. Kabili ine ukupanga ama centi amakumi yabili pa nsa, ukupa umwana wakwe. Uh! Nalishibe ukuti ici tacakabombe. Kabili banyina bali sana... .

Nomba, ni namayo umusuma. Kabili ali-ali uwa musango uwa aba bamo aba mimonekele ya pa mulu, namwishiba, kabili kwati uwameka, namwishiba, kabili eico ena takwete umulimo wine wine kuli ine nangu cali fyo. Nali fye umo ushali nangu cimo umulumendo uwa mu mpanga ka mushi, kabili atontonkenye ukuti Hope alingile ukwenda no mulumendo umo uwa aba abekala bwino, kabili ine-ine natontonkenye alilungike. Kabili eico...Lelo ine-nshacitontonkenye ilya nshita.

Eico natontonkenye, “Cisuma, nomba, nshishibe musango nshi. Ine-ine teti njipushe ba wishi, kabili ine- cine-cine nshaipushe banyina. Kabili eico naile mu kumwipusha intanshi.” Eico nalilebele nkalata. Kabili pakuya ku ncito lulya lucelo naliiposele, mu mbokoshi ya makalata. Inkalata...Twaleya ku calici pali Citatu inshita ya bushiku, kabili cilya cali ni pali Cimo ulucelo. Nalieseshe akasuba konse pa Mulungu ukumweba ukuti nalefwaya ukumupa, kabili nalifililwe fye ukuti nkwate ukushipa ukwafikapo.

Eico kanshi naliiposele mu mbokoshi ya nkalata. Kabili kulya ku ncito bulya bushiku natendeke ukutontokanya, “Inga cakuti banyina baikata ilya kalata?” Owe, yee! Elyo nalishibe ukuti nali uwaonaulwa nga-nga naikata ulya kalata, pantu taleposako sana amano kuli ine. Cisuma, nalepiba fye ilibe.

Kabili ilya inshita ya bushiku pali Citatu lintu naishile, owe, yee, natontonkenye, “Bushe nalaya fika shani kulya? Nga cakuti banyina nabaikata ilya kalata bali no kumombelapo nganshi, eico ndesubila aliipokelele.” Nalilebelepo “Hope.” Ili elyali shina lyakwe, Hope. Kabili eico natile, “Nalailemba fye apa kuli Hope.” Kabili eico... Kabili natontonkenye limbi taipokelele.

Eico naliishibe bwino caliweme ukwiminina kunse kabili no kulisha uuta ukuti ena afume. Owe, yee! Kabili umulumendo onse uushikwete ukushipa ukwalinga ukwenda ukufika pa ng’anda kabili no kukonkosha pa mwinshi kabili no kwipusha pa mukashana, takwete umulimo ukwenda nankwe nangu cibe shani. Ico cishinka icapwililika. Ici cabuwelewele. Cintu icacepesha.

Kabili eico naliimike Ford yandi iya kale, namwishiba, kabili naliipukwite yonse bwino. Kabili eico naliile kulya kabili nali konkweshe pa cibi. Uluse, banyina baliishile pa mwinshi! Nalifililwe ukupema bwino, natile, “Muli-muli-muli shani, ba Muka Brumbach?” Yeah.

Batile, “Uli shani, William.”

Natontonkenye, “Uh-oh, ‘William’!”

Kabili-kabili batile, “Kuti waingila?”

Natile, “Natotela.” Nalingile mukati pa mwinshi. Natile, “Bushe Hope ali uwaiteyanya?”

Kabili lilya line uyu Hope aleisa aleenda mukati ka ng’anda, umukashana fye uwa myaka limbi ukufika ikumi limo na mutanda. Kabili atile, “Shani, Billy!”

Kabili natile, “Shani, Hope.” Kabili natile, “Nauiteyanya kale ukuya ku calici?”

Atile, “Ndolelako fye panono.”

Natontonkenye, “Owe, yee! Tabaipokelela. Tabaipokelela. Cisuma, cisuma, cisuma. Hope nao wine taipokelela, eico calaba fye bwino, pantu nga nanjeba pali cilya.” Eico naumfwileko bwino.

Kabili nomba ilyo nafumine mu calici, natendeke ukutontokanya, “Nga cakuti aliipokelela?” Mwamona? Kabili nshaleumfwa ifyo Doctor Davis alesosa. Nalilolekeshe kuli wene, kabili nalitontonkenye, “Nga cakuti limbi nasunga fye, kabili aleya nshobaula nga twafumina panse, pa kumwipusha cilya.” Kabili nshaleumfwa ne fyo Munyina Davis alesosa. Kabili-kabili kuti nalolekesha ena, kabili natontonkenye, “Iyee, ndepata ukumulekako, lelo... Kabili ine-ine... inshita ya cilangisho cine yalafika.”

Eico panuma ya kulongana twatendeke ukwenda mulya mu musebo capamo, ukuya ku ng’anda, kabili-kabili eico twalyendele ukuya kuli Ford uwa kale. Kabili eico lyonse lilya umweshi ulebalikisha, namwishiba, nalimuloleshe kabili ali uwaemba. Mune, kuti nalolekesha kuli wene, kabili natontonkenye, “Iyee, ifyo ningatemwa ukumukwata, lelo ndetunganya tekuti.”

Kabili eico nalyendeleko ukuya pa ntanshi panono, namwishiba, kabili kuti namulolesha na kabili. Natile, “Ule-uleumfwa shani muli ino nshita ya bushiku?”

Atile, “Oh, ndi fye bwino.”

Kabili twalimike Ford uyu uwa kale no kutendeka ukulafuma, namwishiba, ukushinguluka mu mbali, ukwenda ukushinguluka pa cifutu kabili ukuya ku ng’anda ku mwabo. Kabili naleenda ukuya pa mwinshi pamo nankwe. Natontonkenye, “Namwishiba, limbi ena tapokelele nkalata, eico ine limbi kuti nalabako fye. Ndi no kukwata umulungu na umbi uwa nkumbu nangu cibe fi.” Eico natendeke ukumfwa bwino sana.

Atile, “Billy?”

Natile, “Mukwai.”

Atile, “Nalipokelele nkalata yobe.” Yangu, iyee!

Natile, “Walipokelela?”

Atile, “Ee.” Cisuma, atwalilile fye ukulaeenda, talandilepo ishiwi na limbi.

Natontonkenye, “We mwanakashi, njobako icintu cimo. Ntamfya nangu unjebe ifyo uletontokanya.” Kabili natile, “Bushe wa- bushe waliibelenga?”

Atile, “Uh-huh.”

Iyee, namwishiba ifyo mwanakashi engakubika mukutwishika. Owe, ine-ine nsha cipilibwile muli ilya nshila, mwamona. Mwamona? Lelo, nelyo line, mwalishiba, ine-natontonkenye, “Cinshi taulelandilapo cimo?” Mwamona, kabili nalitwalilile ukulaya. Natile, “Bushe walibelenga yonse?”

Kabili atile. . . [Tapali kantu pa tepu -Ka.] “Uh-huh.”

Eico twali fye mupepi na pa mwinshi, kabili natontonkenye, “Mune, wintwala pa lukungu, pantu teti mbacimfye, eico unjebe nomba.” Kabili nalitwalilile ukulalolela.

Kabili atile, “Billy, kuti natemwa ukuciteco. Atile, “Nalikutemwa.” Lesa apale umweo wakwe nomba, ali mu Bukata. Atile, “Ninkutemwa.” Atile, “Ndetontokanya tulingile ukweba abafyashi besu, abafyashi pali ici. Bushe tauletontokanya ifyo?”

Kabili natile, “We mutemwikwa, umfwa, katutampe ici mukwakana pakati.” Natile, “Ndi no kweba ba wiso nga ca kuti uli no kweba ba noko.” Ukunukwila ulubali ulwabipisha kuli ena, icakubalilapo.

Atile, “Cisuma, nga kuti waeba Batata intanshi.”

Natile, “Cisuma, ndi no kubeba pa Mulungu inshita ya bushiku.”

Kabili eico pa Mulungu inshita ya bushiku yalifikile, nalimuletele ku ng’anda ukufuma ku calici kabili ine. . . Atwalilile ukundolekesha. Kabili naliloleshe, kabili cali 9:30, yali ni nshita yandi ukutampa ukuya. Eico ba Charlie balikele pe tebulo lyabo, baletaipa fye. Kabili ba Muka Brunbach nabekela pa cifutu, ukulacita fimo kwati kupikula, namwishiba, nangu utupikulo utobabika pali fimo, namwishiba. Nshaishiba ifyo mutwita. Kabili eico alecita ifintu ifya musango ulya. Kabili Hope atwalilile ukulolekesha kuli ine, kabili alinshinishe, namwishiba, ukunangilila kuli ba wishi. Kabili ine. . . Yangu, yee! Natontonkenye, “Inga ca kuti batila, ‘Awe?’” Eico natendeke ukufuma pa mwinshi, natile, “Cisuma, ndeemona cawama ukuti ndeya.”

Kabili nalyendele ukuya pa mwinshi, kabili- kabili alitendeke ukufuma pa mwinshi pamo na ine. Ena lyonse

aleisa pa mwinshi kabili no kwisanjeba “usendame bwino.” Eico natendeke ukuya pa mwinshi, kabili atile, “Bushe tawabebe?”

Kabili natile, “Huh!” Natile, “Mu cine ndeesha ukucita, lelo ine-ine-nshishibe ifyo ndi no kucita.”

Kabili atile, “Nalabwekela fye kunuma kabili iwe ubete.” Eico alibwelele kunuma kabili alinshile ninjiminina palya.

Kabili natile, “Ba Charlie.”

Balipilibwike kabili batile, “Ee, Billy?”

Natile, “Kuti nalanda na imwe pali mineti fye?”

Batile, “Cine.” Balipilibwike ukufuma kwi tebulo lyabo. Ba Muka Brumbach bali balolekeshe, balolekeshe kuli Hope, kabili baisa lolekesha na ine.

Kabili natile, “Bushe kuti mwaisa ku lukungu?”

Kabili batile, “Ee, nalafuma.” Eico balyendele panse pa lukungu.

Natile, “Cine ni nshita iisuma iya bushiku, te ifyo fine?”

Kabili batile, “Eeh, iisuma.”

Natile, “Cine kwa ciba ukwakabilila.”

“Cine cine efyo kwaciba,” balindoleshe.

Natile, “Ndabomba sana na maka,” natile, “namwishiba, na maboko yandi yalekwata ifitusha.”

Atile, “Kuti wamusenda, Bill.” Yangu, yee! “Kuti wamusenda.”

Natontonkenye, “Owe, ico cisuma.” Natile, “Bushe mulelandilila, ba Charlie?” Batile... Natile, ba “Charlie, moneni, nalishiba ukuti mwana wenu, kabili mwalikwata indalama.”

Kabili baliselele mupepi kabili balinjikete ku kuboko. Batile, “Bill, umfwa, indalama te fintu fyonse ifyaba mu bumi bwa muntu.” Batile...

Natile, ba “Charlie, ine-mpanga fye ama cent ama kumi yabili pa nsa, lelo nalimutemwa kabili nao alintemwa. Kabili ndemulaya, ba Charlie, ukuti ndi no kubomba mpaka ifi... ifitusha fikafopeke ukufuma mu maboko yandi, ku kumupangila ubwikalo. Ndi no kuba uwacishinka sana kuli ena nge fyo ningaba.”

Batile, “Ndecetekela ico, Bill.” Batile, “Umfwa, Bill, ndefwaya ukukweba.” Batile, “Nawishiba, insansa, tacisenda indalama muli fyonse ukuba ne nsansa.” Batile, “Ukabe fye bwino kuli ena. Kabili ninjishiba ukaba.”

Natile, “Natotela, ba Charlie. Mucine nkacite co.”

Elyo cali ni nshita yakwe ukweba Banyina. Nshishibe ifyo acitile, lelo twaliupene.

Eico, lintu twaupene, tatwakwete nangu cimo, tapaali ica kusunga ing'anda. Ndetontenkanya twakwete ama dollar yabili nangu yatatu. Eico twalesonkela ing'anda, baletulipilisha ama dollar yane pa mweshi. Kabili iinono, icifulo ica kale ica fipinda fibili. Kabili umo alitupele ubusanshi bwakupeteka ubwa kale. Kabili ndetwishika nga kuti umo alibala amonapo ubusanshi ubwa kale ubwakupeteka? Kabili balitupele ici. Kabili naliile kuli ba Sears naba Roebucks kabili nalisenda akali tebulo akanono no tupuna tune, kabili ta-takali akapentwa, namwishiba, kabili twasendele ifi mu nshita iyalinga. Kabili eico naliile kuli Ba Weber, kashitisha wa fintu ifya kale, kabili nashitile icitofu cakwipikilapo. Nalipile ama cent ama kumi cine lubali na yasano, kabili dollar umo kabili na fimbini ifyela ifyakwingishamo. Twalitampile ukuwamye ng'anda. Ndeibukisha ukusenda kabili no kupenta iluba pa fipuna, lintu nafipentele. Kabili, yangu, twali abansansa, nangu cibe fyo. Twali capamo, eico ico e cali icikankala nganshi. Kabili Lesa, ukupitila mu nkumbu Shakwe kabili no busuma Bwakwe, twali abaupana abanono abasansamuka nganshi abo bali pe sonde.

Nalisangile ici, ukuti insansa tashaba mu bwingi bwa fyuma fye sonde wakwata, lelo ifyo waba uwaikushiwa ne ciputulwa icapelwa kuli iwe .

Kabili, panuma ya kashita akanono, Lesa aliikile no kupala ing'anda yesu iinono, twakwete akamulumendo akanono. Ishina lyakwe lyali ni Billy Paul emo ali mu kulongana muno mwine kuno. Kabili akashita akanono ukufuma apo, pa numa ya myeshi ikumi limo na umo, Alitupalile na kabili na kamukashana akanono akaleitwa Sharon Rose, ukufumishiwa kwi Shiwi lya "Rose wa mu Sharone."

Kabili ndeibukisha ubushiku bumo nalisungile indalama shandi kabili nali no kuba pa cuti umunono, ukuya ku ncende imo, kuli Bemba uwitwa Paw Paw, mu kuloba. Kabili mu nshila yandi mu kubwela . . .

Kabili pali ilya nshita . . . Ndecilila ukupilibulwa kwandi. Nalipilibwike. Kabili nalilashikwe na Doctor Roy Davis, mu Missionary Baptist church, kabili naishileba kapungu kabili nalikwata tabernacle umo nombamba nshimikila mu Jeffersonville. Kabili nalecema ulukuta ulunono. Kabili ine . . .

Ukwabula indalama, nacemene ulukuta imyaka ikumi limo na cine lubali kabili nshatalile mpoka nangu ni penny. Nshatetekele muku . . . Tamwali nangu ni mbale ya musangulo mulya. Kabili conse ice kumi nalekwata ukufuma ku ncito, kabili na fimbipo, nali na kabokoshi akanono ku numa ya cikulwa, no tulembo, utunono pali kena, "Apo ponse mwacitile umo wa muli aba bamunyanane abacepesha, mwacitile kuli

Ine.” Kabili uyu e musango ulukuta lwalelipililamo. Twalikwete inkongole ya kulipila imyaka ikumi limo, kabili yalilipilwe ilyo imyaka ibili tailapwa. Kabili nshabalile mpoka umusungulo uwa musango uuli onse.

Kabili nomba nalikwete, owe, ama dollar ayanono ayo nasungile pa cuti wandi. Nao, alebomba, pa Fines Shirt Factory. Umutemwikwa umukashana umusuma. Kabili limbi inshishi yakwe ilelo ili na menshi makasa, lelo acili mu mutima wandi. Kabili ndeibukisha ilyo abombele sana na maka ukungafwilisha ukukwata indalama ishalinga ukuti ndeya kuli uyu bemba mu kuloba.

Kabili lintu nalebwela ukufuma kuli bemba, natendeke ukumona, ukulaisa ku Mishawaka kabili ku South Bend, Indiana, kabili natendeke ukumona amamotoka ayo ayakwete amalembo ku numa, ayatile, “Yesu Eka.” Kabili natontonkenye, “Ici cileumfwika iceni, ‘Yesu Eka.’” Kabili natendeke ukumona yalya malembo. Kabili yali apali ponse ukufuma pa ncinga, ama Fords, ama Cadillacs, kabili na pali fimb, “Yesu Eka.” Kabili nalikonkele bamo kulya, kabili baishile ku calici cimo icikalamba icikulu. Kabili nasangile ukuti bali niba Pentecost.

Nalyumfwilepo pa fya Pentecost, lelo bali libumba lyaba “Bakakunkuluka-ba mushilo abo abalelala panshi no kufumye fulo ku tunwa twabo,” kabili na fyonse ifyo banjebele. Eico nshalefwaya ukucitapo akantu pali cena.

Eico nalibomfwile bonse balelila mulya, kabili natontonkenye, “Ndecetekela nalaingilamo fye.” Eico naliimike Ford wandi uwa kale no kwingilamo, kabili ukwimba konse uko mwaumfwapo mu bumi bwenu! Kabili naishilesanga kwali ama calici ayakalamba yabili, imo muli aya yaleitwa ba P.A. wakwa J.C., kabili ba P.A. wakwa W., mwe bantu mwe bengi imwe kuti mwaibukisha ifya kale filya ifilo...Ndetontokanya fyaliyampana, nomba fiitwa, no kwitwa ba United Pentecostal church. Cisuma, nalyumfwileko kuli bakasambilisha bamo ababo. Kabili baliimine palya, yangu, balesambilisha pali Yesu kabili ne fyo Ali umukalamba, kabili ne fyo fyonse fyali ifikalamba, na palu “batisho lwa Mupashi wa Mushilo.” Natontonkenye, “Ni finshi balelandapo?”

Kabili, ilyo papitile akashita, umu alitolweke no kutendeka ukulandila mu ndimi. Cisuma, nshatala ng’umfwapo ica musango uyu mu bumi bwandi. Kabili kuno kwaisafuma umwanakashi umu ukupita mulya ukubutuka sana nge fyo e nga cita. Elyo bonse baliminine kabili batendeke ukubutuka. Kabili natontonkenye, “Cisuma, munyina, cine tabakwata ifunde mu calici!” Ukuwelesha kabili no kupunda kabili no kucita ifya kucita cita,

natontonkenye, “Libumba lya musango nshi ili!” Lelo, namwishiba, icintu cimo pali cilya, ilyo natwalilile ukwikala mulya, natampile ukucitemwa. Mulya mwali icintu cimo icamoneke ukuba icisuma sana. Kabili natendeke ukulabalolekesha. Kabili calitwalilile. Natontonkenye, “Nalashipikisha nabo pa kashita, pantu nala...Ndi mupepi na ku mwinshi. Nga icili conse catampa fye mu cimfulunganya, nalabutukila pa mwinshi. Ninjishiba apo mbikile motoka yandi, ukushinguluka fye ku cifutu.”

Kabili natendeke ukumfwa kuli bamo bakashimikila, bali bakasambilila kabili na bana be sukulu. Cinshi, natontonkenye, “Ici cili bwino.”

Eico yalifikile nshita ya cakulya ca cungulo, kabili batile, “Uuli onse ese ku cakulya ca cungulo.”

Lelo natontonkenye, “Lolela pali mineti. Nakwete dollar umo kabili na ma cent amakumi cine lubali na yasano ukwendela ku ng’anda, kabili ine...” Eyo nakwete fye indalama ya mafuta. Cabulile fye shilya ukumfisha ku ng’anda. Nali na Ford wandi uwa kale, ali ni Ford uwa kale uwaemba umusuma. Tali uwabwekela ku numa, ali fye ngo yo uuli onse palya, ali fye uwapwako. Kabili ali...Nalicetekela mu cine ukuti ulya Ford kuti aya ba mailoshi amakumi yatatu mu nsa, lelo eico cali ikumi limo na yasano *iyi* nshila kabili ikumi limo na yasano ukubwela *iyi* nshila. Mwamona, musanshe pamo, yaleba ama kumi yatatu. Kabili eico cena...Natontonkenye, “Cisuma, ilya inshita ya bushiku ndetontenkanya kuti nafuma kabili panuma ya...” Naikele pa mulandu wa kulongana kwa nshita yamu bushiku.

Kabili, yangu, atile, “Bonse fye bakashimikila, temulandu palwa cilonganino, iseni kuntanshi.” Cisuma, twali nalimo imyanda ibili kulya, naliile kuntanshi. Kabili eico atile, “Nomba, tatukwete inshita yakuti bonse mwinga shimikila.” Atile, “Mupite fye no kulanda ishina lyenu kabili noko mufumine.”

Cisuma, yaishile inshita yandi, natile, “William Branham, Baptist. Jeffersonville, Indiana.” Nalifuminepo.

Naleumfwa bonse fye abashele baleita abene, “Pentecostal, Pentecostal, Pentecostal, P.A. wakwa W., P.A.J.C., P.A.W., P...”

Nalipitile. Natontonkenye, “Cisuma, naitunganye ukuba uwapanshi sana.” Eico naliikele panshi, ukulolela.

Kabili, bulya bushiku, balikwete abasuma, bakashimikila abalumendo kulya, kabili balishimikile na maka. Kabili elyo batile, “Abo abalaleta imbila mu bushiku ilelo niba...” Ndecetekela bamwitile, “Elder.” Kabili bakapyunga, mu cifulo ca “Reverand,” Bali ni ba “Elder.” Kabili baletele umukote

umwaume umusweshi kulya, kabili akwete fimo ifi ifimakoti ifyaibela ifyakale ifya bakashimikila. Nshiletunganya mwali monapo imo. Icapala kwati-umucila wa nkunda kunuma, namwishiba, ne nteneshi ya velvet, kabili akwete fye utumishishi utunono utwabuta ukushinguluka umutwe wakwe. Umuntu umukote umupina, aliishile nge *fi*, namwishiba. Kabili ali iminine palya kabili alipilibwike. Kabili ilyo bonse bakashimikila baeshimikila pali Yesu kabili ne fikalamba. . . ifyo Ali umukalamba, kabili nafimbipo, ulya umwaume umukote asendele ilembo lyakwe ukufuma mulya muli Job. “Nikwi iwe wali lintu na bikile umufula wa calo, atemwa intanda sha lucelo shaimbile capamo na Bana baume bakwa Lesa babilikishe ne nsansa?”

Kabili no muntu umukote umupina, natontonkenye, “Cinshi tababikile bamo balya abaume abalumendo kulya kuntanshi ku kushimikila?” Icikalamba. . . incende yaliiswile kabili no kucepa. Kabili nalitontonkenye, “Cinshi tabacitile cilya?”

Eico nomba uyu muntu umukote, mucifulo cakuti ashimikile ifi ifyalecitika pano pe sonde, atendeke ukushimikila ifyo ifyalecitika mu Mulu inshita fye yonse. Cisuma, Alimusendele palya pa kutendeka pa kutendeka kwa nshita, kabili Amuletele kuno Mukwisa kwa Cibili pe samba pa mukolamfula uwalambalala. Cinshi, nshaumfwapo ukushimikila kwa musango uyu mu bumi bwandi! Pali ilya inshita Umupashi waishile pali ena, alitolweke mu mulu nga *filya* no kumanya ututende twakwe capamo, awishishe amapeya yakwe kunuma kabili aile aleendela pa tukondo palya panshi, atile, “Tamukwete incende iyalinga kuno iyo ine ningashimikilako.” Kabili alikwete incende ikulu ukucila iyi nkwete pano.

Natontonkenye, “Nga Cilya kuti calenga umwaume umukote ukucita cilya, kuti Cabashani nga cakuti Cali pali ine?” Ine-natontonkenye, “Limbi ndekabila cimo ica Cilya.” Cinshi, aliishile kuno, naliumfwile ubulanda sana pali uyu muntu umukote. Lelo, lintu afuminepo, nale yumfwila ubulanda ne mwine. Kabili nalimuloleshe afumako kulya.

Nalifuminepo ilya nshita ya bushiku, kabili natontonkenye, “Nomba, ulucelo nshakeshibishe nangu umo, ifyo naba.” Eico naliile, kabili ilya nshita ya bushiku nalicishile amatoloshi yandi. Nasendele ici. . . naile mucilime canyanje mukulala, kabili naile kwi samba nalishitile amabanshi ayalinshishe inshiku. Imwe. . . Nashitile akapaketi konse ka yena pali nickel. Kulya kwaliko impompi, nalitapile amenshi. Eico naliishibe filya fyali no kumfisha pa kashita akanono, eico nalisendele amenshi kabili no kuyanwa, kabili naile no kuya lya amabanshi yandi. Kabili nalibwelele no

kunwa na yambi amenshi. Naile mwibala lya nyanje, nasendele ifipuna fibili kabili nabikile akalitoloshi kandi akanono aka seersucker mulya, nafibikile pa cipuna.

Kabili, lilya mu nshita ya bushiku, nalipepele nalimo ubushiku bonse fye. Natile, “Shikulu, cinshi ici ico nasangwamo? Nshatala monapo abantu bakapepa aba musango ulya mu bumi bwandi.” Kabili natile, “Mungafwe njishibe ifyo fintu ifi fyonse fibebele ifi.”

Kabili ulucelo ulwakonkelepo naliile kulya. Balitwatile ku cakulya ca lucelo. Pantu, teti njeko no kuyalya pamo nabo, pantu nshakwete nangu cimo ica kusangula. Kabili nali bwelelemo fye. Kabili ulucelo lwakonkelepo lintu naile ingilamo, cinshi (nalililepo amabanshi yandi yamo), kabili naile mu kwikala. Kabili balikwete microphone, kabili nshatalile monapo microphone, kabili nali no mwenso wa ici cintu. Eico bali...Kabili calikwete akatambo akanono kaleselela apa, kabili nakakulikwa pe samba. Kwati umo pali ba mike, abakuponya. Kabili atile, “Mailo mu nshita ya bushiku, kuno kuntanshi, kwaliko kashimikila uwa caice kuno, uwa ci Baptist.”

Natontonkenye, “Uh-owe, ndi uwakubomfishiwa umusuma nomba.”

Kabili atile, “Ali ni kashimikila uwalipo umunono sana kuno ku ntanshi. Ishina lyakwe ali ni Branham. Bushe pali umo uwishibe kuntu uyu abelele? Mwebeni ese, tulefwaya alete imbila ya lucelo.”

Yangu, yee! Nafwele kasikipa akanono, kabili ne toloshi ilya seersucker, namwishiba. Kabili ifwe ba Baptist twalicetekela ulingile ukufwala suti, pakuya ku pulpit, namwishiba. Eico... Kabili ine-ine naikele fye shilili. Kabili pali ilya nshita...Balicikwatile ku kapinda ka Kuso lilya pantu (umusankano wabo wa calo conse) abantu abasweshi teti beseko kuli wena nga wabelele ku kapinda ka Kulyo. Balikwete abasweshi kulya, kabili nali uwa ku kapinda ka Kulyo, nalikwete stachi ku nteneshi yandi nalilya, mwamona, natontonkenye naliko bwino panono ukucila bamo. Kabili calicitike ukuti lulya lucelo, kwaikele mupepi naine kwali umwaume u-umusweshi. Eico nalikele no kumulolesha Natontonkenye, “Cisuma, ni munyina.”

Kabili atile, “Pali umo uwishibe kuntu William Branham ali?” Nalikontamine panshi mu cipuna nge *fi*. Eico atile, abilishite umuku wa cibili, atile, “Uuli onse apo panse” (alitintile aka ka mike akanono mukati) “uwishibe uko William Branham abelele? Mumwebe tulemufwaya ku ntanshi ku mbila ya lucelo. Ni kashimikila wa ku Baptist ukufuma ku southern Indiana.”

Naikele fye shilili no kukontama panshi, namwishiba. Tapali nangu umo uwanjishibe, nangu cibe fyo. Ulya mulumendo umusweshi alolekeshe kuli ine, atile, “Bushe nawishiba kuntu ali?”

Nalitontonkenye. Ine-ine nalingile limbi ukubepa nangu ukucita cimo. Eico natile, “Umfwa kuno.”

Atile, “Eeh, mukwai?”

Natile, “Ndefwaya nkwebe icintu cimo.” Natile, “Ine-nine wine.”

Atile, “Cisuma, kabiye kulya ku ntanshi.”

Kabili natile, “Awe, teti nje. Mwamona,” natile, “Nimfwala ili toloshi ilinono ilya kale ilya seersucker kabili na kasikipa akanono.” Natile, “Teti nje kulya.”

Atile, “Aba bantu tabasakamana ifyo ufwele. Kabiye kulya ku ntanshi.”

Natile, “Awe, iyoo.” Natile, “Ikala shilili, wilanda nangu cimo nomba.”

Kabili baliishile pa cakulandilapo pali miniti, atile, “Onse uwishibe kuntu William Branham ali?”

Atile, “Uyu pano! Uyu pano! Uyu pano!” Yangu, iyee! Palya naliiminine na kasikipa kandi akanono, namwishiba. Kabili pano ine . . .

Atile, “Iseni kuno, Ba. Branham, tulefwaya imwe mulete imbila.” Yangu, iyee, pa kati ka ba kashimikila bonse aba, owe, abantu bonse aba! Kabili naile panono panono, namwishiba. Icinso candi calikashike, kabili na matwi yandi yalikabile. Kabili nalitampwile panono, itoloshi lya seersucker kabili na kasikipa, kashimikila, kashimikila uwa Baptist ukuya kulya kuli microphone, nshatala monapo umo, mwamona.

Kabili naliiminine kulya, natile, “Cisuma, ine-ine nshishibe pali ici.” Nalefwaya fwaya, uwa mwenso sana, namwishiba. Kabili-kabili nafikile apa muli Luka 16, kabili natontonkenye, “Cisuma, nomba . . .” Kabili ine-nasendele isambilo, “*Kabili ainwine amenso yakwe ku mbo, kabili alililile.*” Kabili nasendele . . . Eico ine-natendeke ukushimikila, namwishiba, kabili natendeke ukushimikila kabili nalyumfwile efilyako. Kabili natile, “Umuntu umukankala ali kumbo, kabili alililile.” Yalya amashiwi ayanono yatatu, ngefyo nkwata imbila ishing'i muli ulya musango, “Bushe Iwe Naucetekela Ici,” kabili “Sosa Ku Cilibwe,” mwaling'umfwa ine ndeshimikila ifi. Kabili nakwete, “Kabili elyo alilile.” Kabili natile, “Takwaba abana banono kulya, icine cine ku mbo kwena iyoo. Elyo alilile.” Natile, “Takwaba amaluba kulya. Kabili elyo alilile. Takwaba Lesa kulya. Elyo alilile. Takwaba Kristu kulya. Elyo alilile.” Elyo nalilile. Cimo cali njikatilile.

Iyee! Yangu, iyee! Panuma, nshishibe ica citike. Ilyo naishile iluka ne mwine, nali ninjiminina panse. Balya bantu baile balewelesha kabili no kupunda kabili nokulila, kabili Ine, ifwe twalikwete inshita iyabwela.

Ilyo nafumine panse pali umuntu umo aendele ukwisa kuli ine ne cisote icikulu ica ci Texas, insapato ishikulu, aliishile, atile, “Nine Elder wa *Kuti-kabili-no*, wa kuti.” Kashimikila, insapato sha ci cowboy, ne fyakufwala fya ci cowboy.

Nalitontonkenye, “Cisuma, itoloshi lyandi ilya seersucker talili ilibi nakalya.”

Atile, “Ndefwaya iwe ukese kulya ku Texas kabili ukankwatileko ukuputulwa.”

“Uh-huh, leka ndembe ico, we mwaume.” Kabili nalilembele nga filya.

Kwaishile umuntu na umbi ne fintu fimo ifi ifinono, kwati umusango we toloshi lya golf nafwala, uko baletyela golf, namwishiba alikwete, utuputula tulya utunono utwa ma blouse. Atile, “Nine Elder uwa *Kuti-kabili-no* wakuti ukufuma ku Miami. Ninkutemwa pa mulandu . . .”

Natontonkenye, “Iyee, limbi ukufwala tacili.” Nalicilolekeshe, kabili natontonkenye, “Cili fye bwino.”

Eico nalisendele ifi fintu, kabili naliile ku ng’anda. Umukashi wandi alinkumenye, atile, “Cinshi ulemonekela uwa nsansa, Billy?”

Natile, “Yangu, nalikumenye amafuta ya filimwa. Iyee, cimo icawamisha tawatala aumonapo. Balya bantu tababa ne nsoni pali bukapepa bwabo.” Kabili, yangu, nalimwebele pali conse cilya. Kabili natile, “Kabili lolekesha kuno, mutemwikwa, umulongo abakunjita. Balya bantu!”

Atile, “Tabali bakakunkuluka wa mushilo, bushe ebo?”

Natile, “Nshishibe umusango waba kakunkuluka baba, lelo balikwata icintu cimo ico nalekabila.” Mwamona? Natile, “Ico-ico cintu cimo nalesubila.” Natile, “Namwene umuntu umukote, imyaka amakumi pabula, aishileba umulumendo na kabili.” Natile, “Nshatala umfwapo ukushimikila kwa musango filya mu bumi bwandi. Cinshi, nshatala monapo waku Baptist ukushimikila nga filya.” Natile, Balashimikila mpaka baleka no kupema, kabili balapeta amakufi yabo mpaka ukufika panshi, aisa na kabili pa mulu, ukwikatilila umupu wabo. Kuti wabomfwa ukuciluka imidadada ibili, bacili baeshimikila.” Kabili natile, “Ine-ine nshatala umfwapo ifya musango ulya mu bumi bwandi.” Kabili natile, “Balandila mu lulimi ulushaishibikwa, kabili umo alanda ifyo balelandapo. Nshatala ng’umfwapo ifya musango ulya mu bumi bwandi!” Natile, “Bushe uli no kuya na ine?”

Atile, “We Mutemwikwa, ilyo wangupile, nakulaikala nobe mpaka imfwa eyikatupatukanya,” Atile, “Ndi no kuya.” Atile, “Nomba, tuli no kweba abafyashi.”

Kabili natile, “Cisuma, uye eba banoko ine ndeya eba bamayo.” Eico ifwe. . . Naliile no kuya eba Bamayo.

Bamayo batile, “Cisuma, cine, Billy. Conse ico Shikulu akwitila ukucita, kabiye kacicite.”

Kabili eico ba Muka Brumbach balilaishe ine ukuti nje kuli bena. Naliile. Batile, “Cinshi ico ulesosapo?”

Kabili natile, “Yangu, ba Muka Brumbach,” natile, “lelo imwe bonse tamwamonapo abantu ba musango uyu.”

Batile, “Ikala tondolo! Ikala tondolo!”

Natile, “Eee, mayo.” Natile, “Munjeleleko.”

Kabili batile, “Bushe waliishiba ukuti lilya libumba lya ba kakunkuluka wa mushilo?”

Natile, “Awe, mayo, nshaishibe cilya.” Natile, “Bena-bena cine bantu abasuma.”

Batile, “Amano yamoyene! Bushe uletontonkanya kuti watintanya umwana wandi kulya ku fintu ifyamusango ulya!” Batile, “Fyacabe cabe! Cilya tacili nangu cimo lelo fisoso ifyo ama chalici yambi yaposa kunse.” Batile, “Icine cine! Teti usunge umwana wandi muli ulya musango.”

Kabili natile, “Lelo, namwishiba, ba Muka Brumbach, mukati ka mutima wandi ndeumfwa ukuti Shikulu alefwaya ine ukuba nabalya bantu.”

Batile, “Ubwelele kulya ku chalici yobe mpaka bakakufwaile ubwikashi, kabili ukalecita ngo mwaume uyo uwakwata amano.” Batile, “Talesenda umwana wandi kunse ukupita mulya.”

Natile, “Ee, mayo.” Nalipilibwike kabili no kuya panse.

Kabili Hope atendeke ukulalila. Afumine panse, atile, “Billy, te mulandu ifyo Bamayo balelanda, ndi no kwikala naiwe.” Umutima wakwe upalwe!

Kabili natile, “Owe, ico cilifye bwino, we mutemwikwa.”

Kabili nacilekele fye cipite. Tabasuminishe umwana wabo ukuya na bantu abali nga balya pantu “Tacali nangu cimo lelo ifisoso.” Kabili eico nalicilekeleko mu musango umbi kacibe fye. E cilubo icabipisha naitapo mu bumi bwandi, cimo icabipisha.

Pakashita akakonkelepo, panuma ya myaka inono, abana baishile moneka. Kabili ubushiku bumo twali. . . Kwaliishile ilyeshi, mu 1937. Kwaliishile ilyeshi. Kabili ifwe. . . Nali ndelonda pali ilya nshita kabili naleesha ukubombesha bwino ukuleta abantu ukufuma mwi lyeshi, amayanda yalebongoloka

yalewa. Kabili umukashi wandi ali lwele, kabili sana, ukulwala sana no tulaso. Kabili bali mufumishe. . . Icipatala icamupepi caliiswile sana tekuti tumubike mulya, eico twali musendele kulya ku—ku cabuteko uko bakwete umuputule kulya kwine. Kabili eico nomba balinjitile ukubwelela. Kabili lyonse naleikala pa mumana, kabili kensha wa bwato umwine mwine, eico naleesha ukusenda abantu, ukubapususha ukufuma kwi lyeshi. Kabili nomba kuti na. . . umo. . .

Bali njitile, batile, “Pali ing’anda kulya mu Musebo wa Chestnut, ili mupepi no kwibila. Kuli namayo kabili ne bumba lya bana bali mulya,” batile, “nga ule tontonkanya ubwato bobo, mota yobe kuti yaya kuli bena.” Natile, “Cisuma, nalacita conse ico ningacita.”

Kabili ine, ukupula muli yalya mabimbi. Umufolo walilepwike kulya kumulu, kabili, yangu, iyee, i. . . ukusenda fye umusumba. Kabili kuti naupela uluto lonse ulo ninga pela, kabili mukulekelesha kwisamba ukucilinganya utushila kabili ukupita mu ncende. Kabili naliile kulya mupepi no kwali icibumba icakucingilila amenshi, amenshi ukula pongoloka ukupula. Kabili naumfwile umo alepunda, kabili namwene nacifyashi naiminina palya pa lukungu. Kabili pali filya ifikunkuluka ifikalamba fileya nga filya. Cisuma, naliile kulya kulubali *ulu* nge fyo ninga cita, kabili nalifikile pa kamana kabili naisabwelela kabili naisaya ulubali lwa kulya. Nali iminike ubwato bwandi panshita fye iyalinga ku kwikakila kulya ku cipilala, ku nceshi ya cibi, incenshi, nangu incenshi ya pa lukungu. Kabili nalibutukilemo naliikete nyina kabili nali mubikile mulya, kabili nabana babili nangu batatu. Kabili nali kakwile ubwato bwandi kabili nokumusenda ku. . . kunuma. Ukwisa kulya ukuya fye kwisamba, kabili no kumutwala kulya kwishilya, limbi mailoshi umo kabili na citika ukuciluka umusumba, mpaka nali mufishishe kwishilya. Kabili nomba lintu nafikile kulya, ali nenwike. Kabili ali tendeke. . . ale punda, “Umwana wandi! Umwana wandi!”

Cisuma, natontonkenye ukuti alelanda ukuti nasha umwana wakwe mu ng’anda. Yangu, iyee! Nali bwekele na kabili ilyo bacili baleesha ifya kumusunga. Kabili, naishile sanga ukuti, cali. . . nangu alefwaya ukwishiba nga cakuti umwana wakwe epo ali palya. Kwaliko akamwana akanono limbi imyaka itatu, kabili natontonkenye ukutila apilibwile akanya akanono akaleonka nangu icintu cimo.

Kabili eico nalibwekelemo kabili nokuya fika kulya. Kabili lintu nasendele bulya bwato kabili no kwingila mukati no kusanga tamuli akanya, kabili ulukungu lwalifumishiwe kabili ing’anda yali iibile. Kabili nalibutwike bwangu bwangu kabili naileikata i-iciputulwa icaikatilile ubwato bwandi, naingile mu bwato, kabili natintile cilya no kucikakula.

Kabili cali citile ukuntwala mu mukuku wa mumana ukalamba. Kabili cali limbi leveni sate mu nshita ya bushiku, kabili ukulatona fye no kuleta amenshi makasa. Kabili nalikete akatambo aka kulishishako kabili naliesheshe ukutinta ubwato, kabili bwali fililwe ukulila, kabili nalyeseshe kabili tekuti bulile, kabili naliesheshe na kabili. Ukuya pantanshi muli ulya mukuku, icipoma mupepi fye naine. Kabili naesheshe na maka sana, kabili natontonkenye, “Owe, iyee, ino-ino empela yandi! Ici eco!” Kabili kuti naesha na maka sana. Kabili natile, “Shikulu, napapata mwileka mfwe imfwa iyamusango uyu,” kabili kuti natinta kabili ukutinta.

Kabili caishile kuli ine, “Inga kuli ilye bumba lya fisoso iyo tawa-ileko?” Mwamona? Uh-huh.

Nabikile ukuboko kwandi ukubwekesha pa bwato, kabili natile, “Lesu, nkwatila inkumbu ine. Mwileka ine nshe umukashi wandi kabili nakamwana kandi muli uyu musango, kabili nabo kulya bali abalwele! Napapata!” Kabili nalitwalilile ukulatinta nga filya, kabili tekuti bulile. Kabili kuti naumfwa icibulumo kwi samba kulya, pantu ine. . . Pa ma mineti fye ayanono, kabili, yangu, iyee, cilya kuti caba eco. Kabili natile, “Shikulu, nga cakutula Mwambelela uluse, ndelaya Imwe Nkacita icili conse.” Nalifukeme muli bulya bwato mulya na menshi makasa ukulanguma pa menso, natile, “Ndi nokucita icili conse ico Mulefwaya ine ukucita.” Kabili nalitintile na kabili, kabili bwalilile. Kabili nalibikile umwela onse muli bwena uo ningabika, kabili na mukulekelesha naile fika kwi shilya.

Kabili nali bwelelemo ukuya mona motoka, motoka wakulondelako. Kabili natontonkenye pali. . . Kwaliko bamo batile, “Batile, icabuteko naco casendwa.” Umukashi wandi kabili na kamwana mulya, utubana tonse tubili.

Kabili nasendele ubulendo ukuyaku cabuteko na maka nganshi nge fyo ningacita, kabili amenshi yaliswile amafiti nalimo amafiti ikumi limo na yasano ukushinguluka cena. Kabili kwaliko ba major kulya, kabili natile, “Major, cinshi cacitike ku cipatala?”

Atile, “Nomba, wisakamana. Bushe walikwetemo umo mulya?”

Natile, “Eeh, umukashi u-umulwele kabili no tubana tubili.”

Atile, “Bonse balifuma.” Atile, “bali muli motoka wakupendelamo abalwele kabili nabaya ukulola ku Charlestown.”

Nalibutwike, nasendele ubwato bwandi kabili. . . nangu naingile muli motoka yandi, kabili no bwato bwandi kunuma yaiko, kabili uku butukila kulya ku. . . Kabili no tumulonga

twaliiswile nalimo ama mailoshi yabili kabili na citika nangu yatatu mu bwipi. Kabili ubushiku bonse nalyeseshe uku... Bamo batile, "Motoka, motoka yakusendelamo abalwele, yalishelele mu nshila kulya pa bulalo."

Cisuma, naisangile uwabulilwa ukwakuya palya pa kacishi akanono, naikele kulya inshiku shitatu. Nalikwete-inshita iitali sana iya kutontonkanya nalimo Cilya cali ifisoso nangu iyoo. Ukula puma fye, "Ali kwi umukashi wandi?"

Panuma ilyo namusangile, mu nshiku ishinono panuma ilyo nafumine kabili naile ukuciluka, ali fye kulya kuntanshi ku Columbus, Indiana, mu cikulwa Caba Baptist umo bali nabapanga kwati i- icipatala, ifipinda fya balwele pa tubusanshi utunono utwa buteko. Kabili nalibutukile kuli ena na maka sana nge fyo ningacita, ukwasha ukusanga kuntu ali, ukupunda, "Hope! Hope! Hope!" Kabili nalilolekeshe, kabili uyu ali nalala pa ka busanshi, kabili T B yali mwikete.

Aliimishe akakuboko kakwe akanono akaonda, kabili atile, "Billy."

Kabili nalibutukile kuli ena, kabili natile, "Hope, we mutemwikwa."

Atile, "Ndemoneka umubi, bushe tefyo ndi?"

Natile, "Awe, we mutemwikwa, ulemoneka fye bwino."

Pa myeshi nalimo ikumi mutanda twalibombele na fyonse ifyali muli ifwe, ukwasha ukupususha ubumi bwakwe, lelo alitwalilile ukulwalilila.

Ubushiku bumo nali pakulonda kabili naliswile icilimba candi, kabili natontonkenye nali bomfwile baletila, tumeni imbila pa cilimba, batile, "Ya kwa William Branham, alefwaikwa ku cipatala ili line, umukashi alefwa." Nalibutukile ukubwelela ku cipatala bwangu sana ngefyo ningacita, nali ashishe ilaiti lya kashika kabili na uuta, kabili naliimine. Kabili nomba ine-nalifikile pa cipatala no kwiminina, nalibutukila mo. Ukwisa ukupita mulya mu-mu cipatala, nalimwene cibusa wandi umuno-no uyo twaleloba capamo, twaendele capamo nga abalumendo, Sam Adair.

Doctor Sam Adair, ena eulya icimonwa caishileko tekale sana kabili nokumweba palwa cipatala icinono. Kabili atile, nga umo alitwishike icimonwa, kuti fye mwatuma lamya ena alipila nga cakuti balefwaya ukwishiba nalimo cali icalungama nangu iyoo.

Kabili eico nomba kuno alefuma nga filya, kabili akwete icisote cakwe mu minwe yakwe. Ali loleshe pali ine kabili atendeke fye ukulalila. Kabili nabutukile kuli ena, ukuposa amaboko yandi ukumukumbatila. Abikile amaboko yakwe

ukunkumbatila, atile, “Billy, aleya.” Atile, “Ndi no bulanda. Nincita fyonse ifyo ningacita, nali ninkwata bakalapashi kabili na fyonse.”

Natile, “Sam,cine taleya!”

Atile, “Eee, aleya.”

Kabili atile, “Wiingilamo mulya, Bill.”

Kabili natile, “Ningile ukwingilamo, Sam.”

Kabili atile, “Wicita. Wiesha, napapata wiesha.”

Natile, “Leka nyingilemo.”

Atile, “Nalaya nobe.”

Natile, “Awe, wikale kuno kwine. Ndefwaya njikale nankwe mu ma mineti yakwe ayakulekelesha.”

Atile, “Nanenuka.”

Nalingile mu cipinda. Kabili na nashi alikele palya, kabili alelila pantu ena na Hope balesambilila pamo. Kabili eico naliloleshe kulya, kabili atendeke ukulalila, abikile ukuboko kwakwe pa mulu. Kabili atendeke ukula endaenda mulya.

Kabili nalolekeshe kulya, kabili nali musunkenye. Uyu ali apa, aliondele ukufuma nalimo ama pound umwanda umo na makumi yabili, ukwisa nalimo ku makumi mutanda. Kabili ine-nali musunkenye. Kabili nga kuti naikala ukufika imyaka umwanda umo, nshakatale ukulabako icacitike. Alipilibwike lubali, kabili yalya amenso ayakulu ayayemba yalolekeshe kuli ine. Ali mwentwile. Atile, “Cinshi ico wanjitila ukumbweshwa, Billy?”

Natile, “We mutemwikwa, elyo napokela fye. . . imbila.”

Nalebomba. Kabili twali mukati ka nkongole kabili imyanda ya ma dollars ya shakulipila shing’anga, kabili tapali icakuti tulipilileko. Kabili nalingile fye ukulabomba. Kabili nale mumona imiku ibili nangu itatu mu kasuba kamo, kabili lyonse inshita ya bushiku, kabili ilyo lintu ali muli ulya musango.

Natile, “Cinshi ico ulepilibula, ‘Ukukwita’ ukuku ‘bwesha’?”

Atile, “Bill, wali shimikila pali Cena, walilanda pali Cena, lelo tawakwata ilyano fintu Caba.”

Natile, “Cinshi ico ulelandapo?”

Atile, “Ku Mulu.” Atile, “Mona,” atile, “Naciba ndeshindikwa-ku Ng,anda na bantu bamo, umwaume nangu abanakashi nangu cimo icafwele ifyabuta.” Kabili atile, “Nali uwatalalilwa kabili no mutende.” Atile, “Ifyuni ifikulu filepupuka ukufuma ku cimuti ukuya ku cimuti.” Atile, “Witontonkanya ukuti nimfulungana.” Atile, “Billy, nala

kweba icilubo cesu.” Atile, “Ikala panshi.” Nshacitile; nalifukeme, nabula ukuboko kwakwe. Atile, “Nawishiba apo icilubo cesu cali?”

Kabili natile, “Eeh, wemutemwikwa, ninjishiba.”

Atile, “Nga tatwatalile ukumfwa kuli Bamayo. Balya bantu bali lungike.”

Kabili natile, “Nali cishiba.”

Atile, “Undaye ici, ukutila ukaya kuli balya bantu,” atile, “pantu baliba mucishinka.” Kabili atile, “Abana bandi uku bakusha nga filya.” Kabili ine. . . Atile, “Ndefwaya uku kweba icintu cimo.” Atile, “Ndefwa, lelo” atile “cili. . . Nshile-nshile kabila ukuya.” Atile, “Cena ci-cena cisuma.” Atile, “Icintu fye cimo, ndepata ukukusha iwe, Bill. Kabili ninjishiba naukwata ababana abanono babili abakukusha.” Atile, “Undaye ukuti-ukuti tawakekale ukwabula ukuupa kabili ukuleka abana bandi ukulaendauka ukufuma uku no ku.” Ici cali icintu ica mano kuli nacifyashi uwa makumi yabili na umo.

Kabili natile, “Teti ndaye ico, Hope.”

Atile, “Napapata undaye.” Atile, “Icintu cimo ico ndefwaya ukukweba.” Atile, “Uleibukisha ulya rifle?” Naliba fye uwafulungana pa mfuti. Kabili atile, “Walefwaya ukushita ulya rifle bulya bushiku kabili tawakwete indalama ishalinga ishakupila amalipilo aya ntanshi.”

Natile, “Eeh.”

Atile, “Nalesunga indalama shandi, ama nickel yandi, ukweshwa kabili ukupanga kulya kulipila ukwa kubalilapo pali ulya rifle obe.” Atile, “Nomba, ici nga capwa, kabili wabwekela ku ng’anda, uyelolekesha pa mulu pali duoford. . . ubusanshi ubwakupeteka, pe samba lya ciputulwa ce pepa ilya pa mulu, kabili uli no kusanga indalama palya.” Atile, “Undaye ukutila uli no kushita ulya rifle.”

Tamwishibe ifyo naumfwile ilyo namwene ulya dollar na ma cent amakumi cine lubali (mu ma nickel nashikala palya). Nalishitile rifle.

Kabili atile, “uleibukisha ilya nshita ilyo waile mukati ke tauni ukuya nshitila insokoshi, kabili twaleya ku Fort Wayne?”

Natile, “Eeh.”

Naishile fye ukufuma mu kuloba, kabili atile. . . Twalingile ukuya ku Fort Wayne, nali no kushimikila bulya bushiku. Kabili atile, “Nawishiba, nalikwebele, ‘Kwaba imitundu iyapusana ibili.’” Imo itwa “chiffon.” Kabili imbi niisa, Rayon? Bushe ico cishinka? Rayon kabili na chiffon. Cisuma, conse ifyo cili, chiffon eyali iyawamisha. Bushe ico cishinka? Kabili atile, “Nomba, uye nshitila ba chiffon, nge fyo apangwa.”

Namwishiba cilya cintu ico icakwata kalya kantu akanono ku numa ya nsokoshi, palya pa mulu? Kabili nshaishibepo nangu cimo pa fyakufwala fya banakashi, eico ine. . .

Kabili naleya mulya mu musebo kabili no kulanda, “Chiffon, chiffon, chiffon, chiffon,” ukwesha ukucisungila, ukulanda “chiffon, chiffon, chiffon.”

Umo atile, “Shani, Billy!”

Natile, “Yangu, shani, shani, “Chiffon, chiffon, chiffon, chiffon, chiffon.”

Kabili nafikile pa cifutu kabili nakumenye Ba. Spon. Batile, “Shani, Billy, nawishiba ukuti isabi [pamba-Kelula.] lilesuma nomba palya pa mbali ya cipilala?”

Natile, “Ca cine nganshi, bushe ico cishinka?”

“Ee mukwai.”

Natontonkenye nomba, ilyo namushile, “Cali ni cinshi cilya cintu?” Nalicilabile.

Eico Thelma Ford, umwanakashi uyo naishibe, alebomba pe tuka lya ten-cent. Kabili nalishibe baeshitisha insokoshi muli cilya cifulo, eico naliile kulya. Natile, “Shani, Thelma.”

Kabili atile, “Shani, Billy. Uli shani? Hope ali shani?”

Kabili natile, “Ali bwino.” Natile, “Thelma, ndefwaya insokoshi shimo ishakwa Hope.”

Atile, “Hope talefwaya insokoshi.”

Natile, “Eeh, mayo, cine ena alefwaya.”

Atile, “Ulelanda insokoshi.”

“Yangu, cine,” Natile, “efyo cili.” Natontonkenye, “Owe, nalangishe ukukanaishiba kwandi.”

Kabili atile, “Sha musango nshi alefwaya?”

Natontonkenye, “Owe!” Natile, “Sha musango nshi ukwete?”

Atile, “Cisuma, tukwete rayon.”

Nshaishibe ubupusano. Rayon, chiffon, conse cilomfwika fye cimo cine. Natile, “Isho esho ndefwaya.” Atile. . .Natile, “Mpombelako shibili pali shena, fashion umutuntulu.” Kabili ena. . .Nalilufyenye cilya. Ni cinshi? Fashion umutuntulu. “Fashion umutuntulu.” Kabili eico natile, “Mpombelako shibili pali shena.”

Kabili lintu aile mukushipela kuli ine, shali fye nalimo ama cents amakumi yatatu, ama cents amakumi yabili nangu amakumi yatatu, naalimo umutengo citika. Cisuma, natile “Mpela ama pair yashele yabili.” Mwamona?

Kabili nalibwekele ku ng’anda, kabili natile, “Nawishiba, we mutemwikwa, imwe mwe banamayo mulashita mwi tauni

kusanga ifya mutengo uunono.” Mwalishiba ifyo mwatemwa ukwipusha. Kabili natile, “Lelo kuno, lolekesha kuno, nashita a pair yabili pa mutengo wingashitilamo pair umo. Mwamona?” Natile, “Yangu, uku-uku e kutontonkanya kwandi ne mwine.” Mwamona, natile - natile, “Nawishiba, Thelma acinshitisha ishi.” Natile, “Limbi ena ali nshitisha pa mutengo wa citika.”

Atile, “Bushe naushita chiffon?”

Natile, “Eeh, mayo.” Cacilaumfwika fye cimo cine kuli ine, nshacishiba ukuti pali ukupusana ukuli konse.

Kabili alinjebele, atile, “Billy.” Nacitontonkenye umusango umbi lintu afikile ku Fort Wayne, aile mu kushita pair na umbi uwa nsokoshi. Atile, “Nalishipela kuli ba noko,” atile, “sha banamayo abakote.” Atile, “unjeleleko nalicita ica musango ulya.”

Kabili natile, “Yangu, ico cili fye bwino, we mutemwikwa.”

Kabili atile, “Nomba, wike-wikekala ukwabulo kuupa.” Kabili atile. . . Taishibe cilya icali no kucitika pa nsa ishinono ukufuma apo. Kabili nalikete amaboko yakwe ayasuma ilyo Bamalaika bakwa Lesa baishile musenda.

Naile ku ng’anda. Nshaishibe ifyakucita. Nasendeme mulya ubushiku kabili naumfwile. . . Ndetontonkanya kali nika koswe akanono, kali mu citofu icakale mulya umo twalebika amapepala. Kabili naliisele icibi no kulu kwandi, kabili palya pali kobekwe umwingila wakwe pa numa, (kabili nalala mulya mukati mu mocale). Kabili pa kashita fye akanono umo alinjatile, atile, “Billy!” Kabili cali ni Munyina Frank Broy. Atile, “Akamwana kobe kalefwa.”

Natile, “Akamwana kandi?”

Atile, “Eeh, Sharon Rose.” Atile, “Shing’anga ali kulya nomba, kabili atile, ‘Nakwata tubercular meningitis, ayonkele ukufuma kuli ba nyina.’” Kabili atile, “Alefwa.”

Naingile mu motoka, naile kulya. Kabili uyu ali palya, akantu akanono akasuma. Kabili bali mubutushishe ku cipatala.

Naile mukumumona. Sam aliishile kabili atile, “Billy, wiingila muli cilye cipinda, ulingile ukutontonkanya pali Billy Paul.” Atile, “Alefwa.”

Natile, “Doc, ine-ine ningile ukumona akamwana kandi.”

Atile, “Awe, teti wingilemo.” Atile, “Nakwata meningitis, Billy, kabili kuti wayambukishisha kuli Billy Paul.”

Kabili nalilolele mpaka afuma. Nalifililwe ukwiminina ukumona alefwa, kabili banyina nabalala mukati mulya

mucikulwa cakwa kasunga wa fitumbi. Ndemweba, inshila ya mubifi intu yakosa. Kabili ine-ine naliile, naingile pa mwinshi, kabili lintu Sam afuminemo na nasi nao afuminemo, naile mulya mu kapinda akanono. Cipatala icinonoko. Ali mu ncende iyapatulwa, kabili balunshi bali mutumenso twakwe utunono. Kabili bakwete akanono. . . ico twita ica “kucingilila ba mung’wig’wi,” nangu akalಿಸumbu akanono pa mulu wa menso yakwe. Kabili kuti a . . . no kusunkana kunono, akakulu kakwe akanono akaina kaleselela panshi kabili na pamulu nge fi, kabili utumaboko twakwe utunono, nakulyo kusunkana. Kabili nalolekeshe kuli wene, kabili ali fye umukalambako ukuba uwacenjela, nalimo imyeshi cine konse konse.

Kabili ba nyina balibeleshe ukumwikalika kunse kulya no tufutu twakwe tutatu, namwishiba, mulubansa, nga cakuti naisa. Kabili kuti nalisha huta, kabili aya, “goo-goo, goo-goo,” ukubutukila ine, namwishiba.

Kabili palya alilele umutemwikwa wandi, alefwa. Nalolekeshe pali wene, kabili natile, “Sharry, walibeshiba Bawiso? Walibeshiba Bawiso, Sharry?” Kabili lintu alolekeshe. . . Alecula ububi sana mpaka ilinso limo ya yalya ayasuma ayanono aya blue yali isalike. Ico cali kwati cilelepepula mu mutima wandi.

Nalifukeme panshi, natile, “Shikulu, cinshi nacita? Bushe ine nshashimikila Imbila nsuma mu fifutufya musebo, kabili nalicita fyonse ifyo ningesha ukucita? Wicibika pali ine. Nshabetile balya bantu ‘ifisoso.’ Bali ni bena abo abaitile balya bantu ‘ifisoso.’” Natile, “Munjeleleko ukuti cali citike filya. Mbeleleni uluse. Mwi-mwisenda umwana wandi.” Kabili lintu ncili ndepepa, kwamoneke kwati icafita. . . kwati mu sheet nangu insalu yaliishile panshi. Naliishibe ukuti Alikene.

Nomba, palya epali inshita iyakosa sana kabili iyabipa sana iya mu bumi bwandi. Ilyo nainwiwe kabili no kulolehsa pali ena. Kabili natontonkenye. . . Satana abikile mu mano yandi, “Cisuma, ulepilibula ukuti ukushimikila uko washimikila na maka, kabili no musango waikalilamo, kabili nomba ilyo caisa ku mwana fye obe, Ala kulekelesha?”

Kabili natile, “Ico cishinka. Nga Cakuti teti apusushe umwana wandi, nomba ine teti. . .” Nalilekele. Ine-ine nshashibe fye ifya kucita. Kabili elyo nasosele ici, natile, “Shikulu, Mwalimpele kuli ine kabili Mwamusenda, lipalwe Ishina lyakwa Shikulu! Nga Cakuti muli no kusenda nangu ine wine, nalyo line nali noku Mutemwa.”

Kabili nalibikile ukuboko kwandi pa mulu pali ena, natile, “Akupale, we mutemwikwa. Tata alefwayo uku kusha, no mutima wandi onse, kabili ukukusha iwe ku kutemwa Shikulu. Lelo ba Malaika baleisa mukukusenda, we mutemwikwa. Tata alasenda akamubili kobe akanono mulya kabili noku

kasendamika pa maboko yakwa Noko. Ndi no ku kushika pamo na ena. Kabili ubushiku bumbi Tata aka ku kumanya, ukalolele fye kulya ku mulu na Mayo.”

Lintu banyina balefwa, atile, amashiwi yakulekelesha atile, atile, “Bill, ikala mwibala.”

Natile, “Ndi...” Atile...Natile, “Nga cakuti nkaba mwibala lintu Akesa, nkasenda abana kabili nokumukumanya. Nga cakuti nshicitile, nkashikwa mupepi naiwe. Kabili ukaye kulya ku kuboko kwa kulyo kwa mpongolo ikalamba, kabili ilyo wa bamona bonse ukwisamo, ukwiminina mulya kabili noko tampa ukulapunda, ‘Bill! Bill! Bill!’ Ukubilikisha fye nge fyo winga cita. Nkakukumanya kulya.” Namufyompele kafikepo. Naba mu mpanga ya bulwi ilelo. Ici cali myaka amakumi yabili ayafumako. Nalikwata ubushiku no mukashi wandi, nka mukumanya.

Kabili nasendele akamwana akanono, kabili lintu ka fwile, kabili na kabikile pa maboko yakwa nyina, kabili twaliitwele ku nshishi. Kabili naliiminine palya ku kumfwa Munyina Smith, kashimikila wa ku Methodist uwa shimikile pa cililo, “Imito ku mito, kabili ulukungu ku lukungu.” (Kabili natontonkenye, “Umutima ku mutima.”) Kulya aliile.

Tapapitile sana inshita ukufuma palya, nasendele Billy umunono kulya ulucelo lumo. Ali fye akamulumendo fye akanono. Ali...

E mulandu wine alambatila kuli ine kabili naine nalambatila kuli ena, nali fyonse fibili Tata kabili na Mayo (fibili) kuli ena. Kuti nasenda ibotolo lyakwe ilinono. Tekuti tukumemo ukukwata umulilo mu nshita ya bushiku ukusunga umukaka wakwe uwa kaba, kabili kuti nailalika kwisamba lya numa yandi nge fi no kuisunga ilyakaba ukupitila ne cikabilila ca mubili wandi.

Twali kumbinkana pamo nge fibusa, kabili ubushiku ubuli bonse ukufuma ilelo nga nafuma mwibala ndefwaya ukumupela Icebo, kabili no kutila, “Twalilila, Billy. Wikale Naco.” Abantu bambi balapapa cinshi mbela nankwe inshita fye yonse. Teti mulekeko. Aliuupa no kuupa, lelo ncili ndebukisha alinjebele, “Ikala nankwe.” Kabili twalikumbinkana nge fibusa.

Ndebukisha ukwenda mukati ke tauni, ibotolo mwisamba lya kuboko kwandi, kuti atendeka ukulila. Inshita imo iya bushiku ale...aleenda kunse ku lubansa lwa kunuma ukwali fye... (Lintu alepanga ukumubula, alebelama, kabili ine... umukashana fye, namwishiba.) Kabili naleyenda kunuma kabili na kuntanshi ukufuma ku cimuti icakale ica oak ku lubansa lwa kunuma. Kabili alelilila ba Nyina, kabili nshakwete Nyina nangu umu ukwa kuti mutwaleko. Kabili kuti na mwimya, kuti nasosa, “Yangu, we mutemwikwa.” Natile...

Atile, “Tata, bamayo bali kwi? Bushe walibabika muli ulya mushili?”, Natile, “Awe, we mutemwikwa. Ali fye bwino, ali kulya ku Mulu.”

Kabili alandile cimo palya, icafwaile u-ukunjpaya mu cungulo cimo. Alelila, cali munshita ya cungulo bushiku sana, kabili nali mupapile kunuma yandi nga *filya*, Ukumupapa pa kubeya kwandi kabili no kula mupampasha nge *fi*. Kabile atile, “Tata, napapata kabiye kasende Bamayo no kubaleta kuno.”

Kabili natile, “We mutemwikwa, teti musende Mayo. Yesu . . .”

Atile, “Cisuma, umwebe Yesu antumine bamayo. Ndebafwaya.”

Kabili natile, “Cisuma, we mutemwikwa, Ine . . . ine na iwe tukayabamona inshita imo.”

Kabili aliiminine, atile, “Tata!”

Kabili natile, “Eeh?”

Atile, “Nimbamona Bamayo ku mulu kulya pali lilye kumbi.”

Iyee, califwaile uku u-ukunjpaya! Natontonkenye, “Iyee! ‘Nimbamona Bamayo ku mulu kulya pali lilye kumbi.’” Nali fye mupepi no kufwa icitu. Nali kumbete umwana umunono pa mulu wa cifuba candi nge *fi*, kabili nakontamike fye umutwe wandi panshi, no kuyaingila.

Inshiku shalipitile. Tekuti ncilabeko. Naliyeeshe ukubomba. Tekuti mbwekele ku ng’anda, tayali ni ng’anda na kabili. Kabili nalefwaya ukwikala. Tatwakwete nangu cimo lelo fye filya fipuna ifyakale ifyalepuka, lelo cali cimo ico ena kabili na ine twasangalalilemo capamo. Yali ni ng’anda.

Kabili ndeibukisha ubushiku bumo naleesha ukubomba mu public-service. Naliile ukuya mukuwamya icamalaiti icakale, caleselela, cali inshita ya mulucelo celo sana. Kabili nalinine ici icapindama. (Kabili tekuti mulabeko ulya mwana. Kuti namona umukashi wandi aleya, lelo kalya akamwana kaleya, akantu fye akanono sana.) Kabili nali palya, kabili naleimba, “Pa kalupili apatali, paiminine Ulupanda.” Kabili intambo shamalaiti shaleyaya mu cakupilibula [transformer-Kelula.] kabili shalifumine ukuya mu (namwishiba) mu citwala amalaiti. [secondary-Kelula.] Kabili nali palya ndepelela pali cena. Kabili naishile kwati kulolekesha, kabili akasuba kaleisa kunuma yandi. Kabili palya, amaboko yandi ayatambalala kabili ne cishibilo calulya Lupanda palya pa-pa mbali yakalupili. Natontonkenye, “Eeh, cali ni membu shandi esha Mubikile palya.”

Natile, “Sharone, we mutemwikwa, Wiso alefwaya ukukumona sana sana, we mutemwikwa. Ifyo ningatemwa ukukwikata mu maboko yandi na kabili, we ka mutemwikwa akanono.” Natendeke ukufulungana. Papatile imilungu. Nalifulile ba rubber glove wandi. Pali ama volt amakana yabili ne myanda itatu ayalepita fye mupepi naine. Nalifulile ba rubber glove wandi. Natile, “Lesá, nalipata ukucita ici. Ndi camwenso.” “Lelo, Sharry, Wiso alaisa kumona kabili na Noko pali ba mineti fye banono.” Natendeke ukulafula ama glove yandi, ku kubika ukuboko kwandi pali yalya ama volt amaka—na yabili ne myanda itatu. Kuti catoba...Cinshi, tekuti ukwate no mulopa uwingashala muli iwe. Kabili eico ine-ine natendeke ukulafulako ulya glove, kabili cimo cali citike. Lintu naishile uku, nali ninjikala panshi na maboko yandi pa mulu nge *fi*, pa menso yandi, ukulalila. Cali ni nkumbu shakwa Lesa, nga teifyo nga nshikwete ukulongana kwa kundapa kuno, ndi uwa shininkisha pali co. Cali ni Ena ukucingilila ica bupe Cakwe, teine.

Natendeke ukulaya ku ng’anda. Nalilekele, nabikile ifibombelo fyandi. Kabili nalibwekele, natile, “Ndeya ku ng’anda.”

Natendeke ukushinguluka ing’anda, nalibulile inkalata ukutwala mu ng’anda, kwali ngo kwatalala, kabili nalingile mukati. Twakwete akapinda akanono kamo, nalesendama pakabusanshi akanono mulya, kabili no mwela uwatalala ukulaisa, kabili ulya stove uwakale. Nabulile inkalata kabili nalolekeshe mu nkalata, kabili icintu icakubalilapo icali mulya cali uto alesunga utunono utwa pa Caka, ba cent amakumi cine konse konse, “Kuli Sharon Rose Branham.” Cilya cali palya, nakabili ukubwekeshapo.

Nali warden uwa ku game. Nalingile mulya kabili nasendele imfuti yandi, pistol, ukufuma mwitumba. [holster-Kelula.] Natile, “Shikulu, ine-ine tekuti ntwalilile ifi na kabili, ine-ine ndefwa. Ni-nincushiwa sana.” Nalitintile kasando panuma ya ka futi, naisonta na ku mutwe wandi, nimfukama palya pali kalya akabusanshi mucipinda cilya umwafita. Natile, “We Shifwe Uwaba mu Mulu, Ishina Lyobe licindikwe. Ubufumu Bobe bwise, ubufwayo Bobe bucitwe,” kabili ilyo naeseshe, kabili nalitininkishe kalya akakulishishako na maka sana nge fyo ningacita, natile, “pano isonde nge fyo cili na Mumulu. Tupeleni ilelo icakulya cesu icanshiku shonse.” Kabili yalikene ukulila!

Kabili natontonkenye, “Mwe Lesa, bushé Muleputaula fye ine mutupimfya? Cinshi ico nचितile? Teti mundeke fye ine mfwe.” Kabili nali posele ilye mfuti panshi, kabili yalilile no kupula mukati ka cipinda. Natile, “Lesá, cinshi teti mfwile kabili no kufuma muli ici? Tekuti ntwalilile na kabili.

Mulingile ukucita cimo kuli ine.” Kabili naliponene palya no kutendeka ukulalila paka busanshi kandi akanono, akafiko aka kale palya.

Kabili limbi naile mu kulala. Nshishibe nga cakuti nali mutulo nangu cinshi cacitike.

Lyonse nalekabila ukuba kulya ku Masamba. Lyonse nalefwaya filye fisote. Batata baleyangala pali ba kabalwe munshiku shabo shabulumendo, kabili lyonse nalefwaya cimo pali filye fisote. Kabili Munyina Demos Shakarian ali nshitileko cimo ubushiku bwafumineko, icakubalilapo ico nakwetepo (nshatala uku kwata) nga cilya, cimo ca ulya musango wa fisote ifya ku masamba.

Kabili natontonkenye ukutula naleya mulya mukati ka ciswebebe, ukulaimba lulya lwimbo, “Kuli umupeto ku ngolofwane ukontweke, icishibilo pe famu lya ng’ombe, ‘Ileshitishiwa.’” Kabili ilyo naleya, namwene ngolofwane imo iyakale iya fimbwa, kwati ni ilya iyakale ngolomfwane ya mu ciswebebe, kabli no mupeto wali kontweke. Elyo, cilya caleimininako ulupwa lwandi ulwa tobaika. Kabili ilyo nalepalamina, naliloleshe, kabili palya pali iminine u-umusuma sana, umukashana umwaice, nalimo icimo ca myaka amakumi yabili, imishishi ishabuta nga maluba kabili namenso aya blue, nafwala ifyabuta, nalolekeshe kuli ena, natile, “Uuli shani?” Naleya fye.

Atile, “Shani, Tata.”

Kabili nalipilibwike, natile, “Tata?” “Cinshi,” natile, “musangoshi, Mukashana, kuti iwe . . .kuti naba wiso ilyo uli umukalamba nga ine wine?”

Atile, “Tata, tamwishibe fye kuntu muli.”

Kabili natile, “Walosha mwisa?”

Atile, “Kuno ni ku Mulu.” Atile, “Pesonde nali Sharon wenu umunono.”

“Cinshi,” Natile, “we mutemwikwa, wali fye akanya.”

Atile, “Tata, utwana utunono te twana utunono kuno, tabafwa. Tabakota nangu ukukula.”

Kabili natile, “Cisuma, Sharon, we mutemwikwa, iwe-uuli umusuma, umwanakashi uwa caice.”

Atile, “Bamayo balemilolela.”

Kabili natile, “Nikwi?”

Atile, “Pamulu ku ng’anda yenu iipya.”

Kabili natile, “Ing’anda iipya?” Abena Branham niba ceendeende, taba kwata amayanda, bacita fye . . .Kabili natile, “Cisuma, nshatala nkwatapo ing’anda, we mutemwikwa.”

Atile, “Lelo naukwata imo ku mulu kuno, Tata.” Nshilepilibula ukuba akanya, lelo caba fye icintuntulu sana kuli ine. [Munyina Branham alila—Ka.] Ilyo natendeka ukutontonkanya pali ci, cileisa na kabili. Atile, “Naukwata imo kuno, Tata.” Ninjishiba ninkwata imo lubali kulya, ubushiku bumu nkaya kuli yena. Atile, “Ali kwi ndume yandi, Billy Paul?”

Kabili natile, “Cisuma, nimusha pali ba Muka. Broy’s, ama mineti yapatapo ayanono.”

Atile, “Bamayo balefwaya ukumumona.”

Kabili nalipilibwike kabili no kulolesha, kabili kulya kwali ifimayanda ifikulu ifikalamba, kabili no Bukata bwakwa Lesa buleisa no kushinguluka shena. Kabili naumfwile kwaya ya Bamalaika baleimba, “Ing’anda yandi, Ing’anda yandi iisuma.” Natendeke pa mulu wa ma step, ukubutuka na maka nganshi nge fyo ningacita. Kabili ilyo nafikile pa mwinshi, palya aliiminine, nafwala umwingila uwabuta, ulya mushishi uwafita, uutali, ukuponena kunuma yakwe. Alimishe amaboko yakwe, nge fyo alecita lyonse ilyo naisa ku ng’anda uwanaka ukufuma ku ncito nangu cintu cimo. Nali mwikete pa maboko, kabili natile, “Umutemwikwa, nimona Sharon kwisamba kulya.” Natile, “Nalengwa umukashana umusuma, bushe tefyo?”

Atile, “Eeh, Bill.” Atile, “Bill.” Abikile amaboko yakwe uku nkumbatila, (kabili atile) ukushingulusha fye amapeya yandi, atendeke ukula mpapasha, atile, “Leka ukusakamana pali ine na Sharon.”

Natile, “Mutemwikwa, teti ncishipikishe.”

Atile, “Nomba Sharon na ine tuli bwino sana ukucila iwe.” Kabili atile, “Wilasakamana pali ifwe na kabili. Walandaya ine?”

Kabili natile, “Hope,” Natile, “Ndemufuluka sana iwe na Sharon, kabili na Billy alilila iwe inshita fye yonse.” Natile, “Nshishibe ifya kucita nankwe.”

Kabili atile, “Cili no kuba fye bwino, Bill.” Atile, “Undaye fye ukutila tawakasakamane na kabili.” Kabili atile, “Bushe tawaikale panshi?” Kabili nalilolekeshe mumbali kabili palya pali icipuna icikalamba icikulu.

Kabili ndeibukisha nalyeeseshe ukushita icipuna. Nomba, mukwisala. Nalyeeseshe ukushita icipuna inshita imo. Twakwete fye ifyakale-ifyambao ifyacipa-ifipuna fye ifipi ifya set wa cakulya calucelo. Twalefibomfya, efipuna fye twakwete. Kabili kuti twashita fimo pali fimo ifi ifipuna ifyo mu fungulwila kunuma, kwati ni . . . Nindaba camusango uwashani ici cipuna icayanguka icakutushishapo. Kabili caleshitwa ama dollar ikumi limo na cine lubali, kabili kuti wapela ama dollar

yatatu icakubalilapo kabili na dollar mu mulungu. Kabili twasendele cimo. Kabili, yangu, nga naisa ingilamo... Nalebomba akasuba konse, kabili ukushimikila mpaka pakati kanshita ya bushiku ukushinguluka mu misebo kabili na konse eko ningashimikila.

Kabili-kabili ine ubushiku bumo nali mu numa pasho nalelipila. Tekuti tucicite, kabili caleya ubushiku no bushiku, kabili caishilefika ubushiku bumo baliishile kabili no kubula icipuna candi no kuya naco. Lilya mu nshita ya bushiku, nshakatale ukulabako ali mpangile cherry pie. Akantu akanono akakale akapina, ena-ena-aliishibe ukutila nali no kupapushiwa. Kabili panuma ya cakulya ca cungulo natile, “Nicinshi ico ukwete iwe icisuma ilelo mu nshita ya bushiku, we mutemwikwa?”

Kabili atile, “Atile, naceba abalumendo abena mupalamano ukuya kwimbilako imyambo ishakulobelako. Tauletontonkanya tulingile ukuya kumumana nokuyaloba panono?”

Kabili natile, “Eeh, lelo. . .”

Kabili atendeke ukulila. Naliishibe pali cimo icilubene. Naliilwike pantu balitumine kale iciishibisho baleisa muku cisenda. Kabili twalefilwa uku kumanisha amalipilo ya ulya dollar mu mulungu. Teti tucicite, tekuti fye tucikumanishe. Ali nkumbatile na maboko yakwe, kabili naile pa mwinshi ne cipuna candi caliile.

Alinjebele Kulya ku mulu, atile, “Uleibukisha cilya cipuna, Bill?”

Kabili natile, “Eeh, mutemwikwa, ndeibukisha.”

Atile, “Ici eco wacilatontonkanyapo, bushe teco?”

“Eee.”

Atile, “Cisuma, ici cena tabasende, ici calilipilwa.” Atile, “Ikala panshi pali mineti fye, ndefwaya nande naiwe.”

Kabili natile, “We mutemwikwa, nshileumfwa ici.”

Kabili atile, “Undaye ine, Billy, undaye ine ukutila tawa kasakamane na kabili. Walabwekelamo nomba.” Kabili atile, “Undaye ine tawakasamane.”

Kabili natile, “Teti ncite ico, Hope.”

Kabili lilya line fye naishile ku, mwali umwafita mu cipinda. Nalilolekeshe mumbali, kabili naumfwile ukuboko kwakwe na ku nkumbata. Natile, “Hope, bushe uuli muno mu cipinda?”

Atendeke ukula mpapasha. Atile, “Walampangila bulya bulayo, Bill? Undaye ine ukutila tawa kope. . . wisakamana na kabili.”

Natile, “Ine ndekulaya.”

Kabili lintu nomba ampapeshe imiku ibili itatu, kabili aliile. Nalitolweke pa mulu no kusanika inyali, naloleshe monse monse, aliile. Lelo alile ukufuma mu cipinda. Taya iyoo, acili no mweo. Ali umwina Kristu.

Billy naine twaile ku nshishi kuno inshita iyapitapo, ukubika akaliluba akanono pali banyina na nkashi yakwe, mu lucelo fye pa Easter, kabili twaliiminine. Akamulumendo akanono katendeke ukulalila, katile, “Tata, bamayo bali panshi palya.”

Natile, “Awe, we mutemwikwa. Awe, tabali panshi palya. Nkashi yobe tali panshi palya. Tukwete inshishi iyaisalwa kuno, lelo ukuya kulya ukuciluka bemba kwaliba inshishi iyaisuka uko Yesu abukile. Kabili ubushiku bumo Akesa, Akaleta nkashi yobe na banoko pamo na Ena.”

Ndi mumpanga ya bulwi ilelo, mwe fibusa. Ine-ine tekuti ntwalilile ukulanda. Ine... [Munyina Branham alelila-Ka.] Lesa amupale. Katukontamike imitwe yesu muli mineti.

Mwe Shikulu! Inshita ishingwi, Shikulu, ndesubila abantu tabeluka, lintu batontonkanya ifi fintu fiisa ukwabulo bwafya. Lelo kuli ubushiku ubukalamba lintu Yesu akesa kabili no bulanda bonse ubu bukafutwa. Ndepepa, Tata wa Mumulu, ukutila Mwala twafwa ukuiteyanya.

Kabili bulya bulayo ubwakulekelesha, lintu na mufyompele pe saya lulya lucelo, ukuti ndi no ku mukumanya kulya bulya bushiku. Ndecetekela akeminina pali cilye cifulo, ukupunda ishina lyandi. Naliikala uwa cine kuli bulya bulayo ukufuma lilya, Shikulu, ukushinguluka icalo, mu ncende ishampusana pusana, ukweshwa ukuleta Imbila nsuma. Nomba ndeya ndekota, kabili ukunaka, ndi uwapwa. Bushiku bumo ukufuma ilelo ndi no kwisala uyu Baibele pa nshita iya kulekelesha. Kabili, Lesa, nsungeni ine uwa cishinka ku bulayo. Bikeni inkumbu Shenu mumbali yandi, Shikulu. Mwileka ine ndolekeshe ku fintu ifya bumi buno, lelo ukwikalila pa fintu ifyaba kulya. Nga fweni ine ukuba uwa cishinka. Nshilelomba ubusanshi bwakutushishapo ubwa maluba, awe, Shikulu, lintu Kristu wandi afwile palya ukupita mumacushi. Kabili nabonse abashala bafwile filya fine. Nshilelomba icintu nangu cimo icayanguka. Ndekeni fye mbe uwa cishinka, Shikulu, uwacine. Lekeni abantu bantemwe pakuti ninga batungulula kuli Imwe. Kabili ubushiku bumo lintu caisa mukupwa kabili twalongana capamo mumbali ya fimuti ifishiuma amabula, ndefwaya nkamusende pa kuboko kabili no kwenda nankwe, ukulanga abantu ba mu Angelus Temple kabili na bonse fye. Ikaba ninshita ikalamba ilya.

Ndepepa ukuti inkumbu Shenu shikale pali umo na umo pali ifwe muno. Kabili na abo abali muno, Shikulu, limbi taba

Mwishiba. Kabili limbi naba kwata umo umunono umutemwikwa ukuciluka bema kulya. Nga cakutila tabafikilisha ubulayo bwabo, lekeni bacicite nomba, Shikulu.

Ilyo tucili natukontamika imitwe yesu, ndesubila muli cino, icikulwa icikalamba muno cungulo, nibanga muli imwe abaleti “Munyina Branham, ndefwaya uku kumanya abatemwikwa bandi, naine. Ine-ine-nalikwata abatemwikwa ukucilukafye umumana kulya”? Limbi mwalipanga ubulayo ukutila muka bakumanya, limbi lintu mwaebele Bamayo “kafikenipo” kulya lubali pa nshishi bulya bushiku, limbi lintu waebele nkashi umunono “kafikenipo,” nangu ba Wiso, nangu bamo ku nshishi, mwalilaile ukuti mukabakumanya, kabili imwe-imwe tamulati mupange kulya ukwiiteyanya nomba. Bushe tamule tontonkanya ukutila ninshita iisuma nomba ukucicita?

Munjeleleko ku kulila kwandi. Lelo, yangu, iyee, teti mwishibe, mwe fibusa. Tamwishibe kwi-kuipela kwa musango shani! Ici te cintu icinono, nakalya, celyashi lya bumi.

Nibanga muli imwe nomba abenga fwaya ukwiminina nomba kabili nokwenda ukwisa kuno kwi pepo, mutile, “Ndefwaya uku kumanya abatemwikwa”? Imeni ukufuma mwi bumba kabili mwise kuno lubali. Mwalacicita? Nga cakuti umo talati apange kulya ukwiiteyanya na nomba. Lesa amupale imwe, mukwai. Ndemona umwaume umusweshi umukalamba alefuma ukwisa, bambi baleisa. Endeni mwe bene, imwe mwe bali mu miputule uko lubali, endeni fye umo mwine mukashila. Nangu iminineni fye, imwe mwe balefwaya uku mwiibukisha mwi shiwi lye pepo nomba line. Ifyo fine. Iminineni fye pankasa shenu. Ico cisuma. Iminineni, ukuli konse, imwe mwebe ngatila, “Nali kwata tata kulubali kulya, nalikwata mayo nangu umutemwikwa kulubali kulya. Ndefwaya ukuba mona. Ndefwaya nkaba kumanye mu mutende.” Kuti mwaiminina, iminineni fye pa nkasa shenu, ukuli konse mwi bumba. Iminineni pa nkasa shenu, landeni, “Ndefwaya ukusumina.”

Lesu akupale, mukashana. Lesu amupale imwe uko kunuma. Kabili amupale lubali uko. Shikulu amupale kuno, mukwai. Ico cishinka. Uko mu muputule, Shikulu amupale. Mumbali monse, ukuli konse, iminineni pa nkasa shenu nomba uku kwata ishiwi lye pepo, lintu Umupashi wa Mushilo uli muno kabili uleenda pa mitima yesu, uku-uku-ukuputaula.


Namwishiba, ifyo ulukuta lukabila ilelo kuputaulwa. Tulekabila ukuya kulya ku Ng’anda ya Uubumba inongo. Amasambililo yesu pa fya bulesa aya pangwa pa ng’anda inshita imo tayabomba bwino. Ico tulekabila kuputaulwa ukwa musango uwakale, ukulapila mu mitima yesu, ukwisa kuli Lesu uwanakilila. Bushe eabo bene nomba abali abaiteyanya ukwiminina?

Katukontamike imitwe yesu nomba kwi pepo.

Mwe Shikulu, Uwaletele na kabili Yesu pa mulandu wa... ukufuma ku bafwa, ku kulekelela ifwe bonse mu citetekelo, ukucetekela. Ndepepa, Shikulu, ukuti abo abeminine nomba pa nkasa shabo kuku sumina Imwe, ndepepa ukuti ubwelelo bube pali bena. Kabili, Mwe Shikulu, ndepepa ukuti bala musumina Imwe nga Kapususha wabo kabili Imfumu kabili Uwakutemwa. Kabili limbi bali kwata mayo nangu tata nangu umo ukuciluka fye bema. Kuli icintu cimo ica cine, balikwata Kapususha. Leken i belelwe uluse pa membu shabo, kabili na mampulu yabo yenga futwa, pakutila imyeo shabo shingasambwa mu Mulopa wa mwana wa Mpanga, kabili bakekale umutende ukufuma nomba ne nshita ileisa.

Kabili ubushiku bumo ubwabukata lintu caisa pwa, lekeni tukalongane ku Ng'anda Yenu, kabili tukabe kulya nge ndupwa ishabula ukupatukana, uku kumanya abatemwikwa besu abalelelela kwi shilya kulya. Ici, tule bapela kuli Imwe, ukuti "Muli no kubasunga mu mutende uwa pwililika uyo umutima wakwe uikalila pali Wene." Cipeleni, Shikulu, Kabili twabapela kuli Imwe. Mwi shina lya Mwana Wenu, Shikulu Yesu. Amen.

Les a amupale. Ndesubila aba bomfi balemona apo mwiminine, kabili balaba fye naimwe mu ma mineti fye ayanono.

Kabili nomba kuli abo abalapokelela amakadi ya mapepo. Billy, ali kwi Gene kabili na Leo, bali kulya kunuma? Bali kuno ku kupela amakadi ya mapepo mu ma mineti fye ayanono. Munyina ala salanganya ibumba mwi pepo, kabili amakadi ya mapepo yalapelwa. Twalabwekela kuno pakashita fye akanono, ku kupepela abalwele. Cisuma, Munyina. 

MUNYINA WILLIAM MARRION BRANHAM

Ilyashi Lya Bumi Bwandi yaletelwe pa mulungu mu cungulo, April 19, 1959 pa Angelus Temple mu Los Angeles, California, U.S.A.

Ifyo Malaika Aishile Kuli Ine Kabili No Mulimo Wakwe, yaletelwe pali cimo mu cungulo bushiku, January 17, 1955, pa Lane Tech High School mu Chicago, Illinois, U.S.A.

Ishi Mbila ishashimikilwe na Munyina Branham, Shabaliepo ukulembwa mu Cingeleshi mu *Fishilwa fya nkasa Pa Minsesenga Ya Nshita*, April 1975, shafumishiwa ukufuma kuli magnetiki tepu wayambulwa, kabili shintu shalembwa ukwabula ukufumyamo mu Cingeleshi. Ukwilula kwa mu Cibemba kwalembelwe mu 1996 na ba Voice Of God Recordings.

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org